



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

19061

Handwritten text in a cursive script, possibly a name or title.

Handwritten text in a cursive script, possibly a name or title.

Handwritten text in a cursive script, possibly a name or title.

Handwritten text in a cursive script, possibly a name or title.

891.99  
P-17

115

N 9

2012

391 . 99  
P-17

ՀՐԱՏԱՐԱԿՈՒԹՅՈՒՆ ԱՄՈՐԻ

# ՆԷՆ ԹԱԳԱՒՈՐԻ

Ա Ղ Զ Ի Կ Ը

Հ Է Ք Ե Ա Ք

Ս. ՔԱՄԱՆԵԱՆԻ

Բ. Տպագրութիւն.



Բ Ա Գ Ո Ւ  
Տ Պ Ա Բ Ա Ն Ա Ս Բ Օ Ր  
1903.

ԱՐՄԵՆԱՍՏՐԱԿԱՆ ԳՐԱԴԱՐԱՆ

897.99

Բ-17

պր.

ՀՐԱՏԱՐԱԿՈՒԹՅՈՒՆ «ԱՐՐՈՒԻ»

# ՇԷՆ ԹԱԳԱԽՈՐԻ

Ա Ղ Զ Ի Կ Ը

Հ Է Ք Ե Ա Թ



Կ  
Ի  
Կ

Ս. ԲԱՄՍԻԼԵԱՆԻ

Բ. Տպագրութիւն.



Բ Ա Գ Ո Ւ  
Տ Կ Ա Ր Ա Ն « Ա Ր Ր Ո Ւ »  
1903.

Дозволено цензурою. Тифлисъ, 10-го Мая 1903 г.

113679-02

**ԳԱՆՁԱԿԻ ՀՈՒՓՍԻՄԵԱՆ ՕՐ. ԵՐԿԳԱՍԵԱՆ  
ԴՊՐՈՅԻ ԱՇԱԿԵՐՏՈՒՀԻՆԵՐԻՆ.**

Ձեզ՝ սիրելի աշակերտուհիներ, որ պաշ-  
տենքս հեռանալիս շարեցիք ու շացիք, ձեզ  
եւ ընտրուած այս գրողը: Էլ վարձ ու ու-  
ճիկ ի՞նչ կ'անէի, երբ ձեր սիրտն ու ար-  
տասութիւնը հետս էի տանում:

Այժմ ձեզ մեծ շնորհակցութիւններով  
տունս գրողիս մէջ մի այնպիսի պատմու-  
թիւն կայ, որ երբ կարդաք, այնքան կը սի-  
րեք, որ կ'ուզեք մէկ էլ կարդալ:

Ձեր հայ լեզուի ուսուցիչ **ԲԱՄԱԼԵԱՆՅ  
Ս**-ի արտի փափագը հեկնց այդ է, որ իշոյնից:

1893 թ. Թիֆլիզ:

**ՄԱՐԻԱՄԵԱՆ-ՅՈՎԱՆԵԱՆ ԴՊՐՈՅ**

ՀԱՅԱՍՏԱՆԻ ԳՐԱԳՐԱԿԱՆ ՎԵՐԿԱՆՈՒՄԸ  
ՎԵՐԿԱՆՈՒՄԻ ՎԵՐԿԱՆՈՒՄԸ

Հայր Կոնստանդինյան Կոնստանդինյան  
բնն ինչպես ու ինչպես տպագրողն ու կոպիտ  
- ու առ ճամբի չէ : զի ինչպես սուր Կոնստանդինյան  
- առ ու մտնի Կոնստանդինյան ինչպես Կոնստանդինյան  
Կոնստանդինյան ինչպես Կոնստանդինյան  
Կոնստանդինյան ինչպես Կոնստանդինյան  
Կոնստանդինյան ինչպես Կոնստանդինյան  
Կոնստանդինյան ինչպես Կոնստանդինյան

1881 թ. հունվար 9

ՀԱՅԱՍՏԱՆԻ ԳՐԱԳՐԱԿԱՆ ՎԵՐԿԱՆՈՒՄԸ

Այսպիսով, զի բննան ու հասնան, զի ծագողս  
ապառ ահապոց, զի զինչպիսի ու բանեցի՞ն, զի ուսք  
ու վասն ինչ ի մեզդ հասնան, ուս՞ծ ինչմբ Ելևիկի  
չ ու Ելևիկի ուսքն ուսքն, ուսքն ուսքն, ուսքն  
- զի ուսքն ուսքն ուսքն ուսքն ուսքն ուսքն ուսքն  
- ուսքն ուսքն ուսքն ուսքն ուսքն ուսքն ուսքն

**Ա.**

Մի թագաւոր կար հարուստ ու ողորմած.  
ով իւր մօտ էր գալիս, դատարկ չէր ճամբում.  
որին փողով էր օգնում, որին խորհրդով է նրա  
աշխարհում ամենն էլ գոհ էին և մխիթա-  
րուած: Դուռը մէկ էր, եկող աղքատն ու ան-  
ճարը հազար. ուղողին անխնայ տալիս էր.  
«չէ» չկար: Ամենն էլ ասում էին. — շէն մը-  
նաս, թագաւոր, ծոցդ լիքը կենայ: Քանի տա-  
լիս էր, այնքան շէնանում ու լցում էր, այդ  
պատճառով անունը կպաւ Եէն թագաւոր:  
Սովորաբար ասում էր. «վաղուշ առաջիս մահ  
կայ, ամեն օր հարստութիւնը ձեռիս չի մնալ.  
լաւ է բարութիւններ անեմ»: Այդ մտքով իւր  
աշխարհը շրջում էր, խեղճ ու տառապեալի  
ցաւերը լսում, դարման անում:  
Եէն թագաւորը իրան պէս օրհնուած մի  
կին ունէր, երկու ծաղիկ<sup>1)</sup> էլ հետը. մինը  
տղայ, միւսը աղջիկ: Աղջիկը մի դարմանք

<sup>1)</sup> Զուակի

արարած էր. խոնարհ ու անմեղ էր, ինչպէս  
գառը, ճերմակ ու կարմիր էր, ինչպէս նորա-  
փթիթ դեղձի ծառ. երեսհարքն <sup>1)</sup> էլ այնպէս  
քնքուշ էր ու սիրուն, ինչպէս կարմրաթուշ  
խնձոր ու ծիրան: Պաշտօնից դուրս եկողը աղջ-  
կայ գովքն էր անուծ: Մինն ասում էր՝ ալիւ-  
րի նման շարմաղ է. միւսն ասում էր՝ նռան  
կարմիր հատիկ է. երրորդը թէ՛ միամորի ճի-  
պոտ է: Իսկ աղքատները, որոնք միշտ նրա  
ձեռիցն էին ողորմութիւն ստանում, աղունիկ  
էին կանչում: Աղունիկ էլ մնաց անունը: Հայ-  
րը վճռել էր Աղունիկին տալ մի աղքատ տղի,  
որ լինէր խելօք և արդար: Տղի համար էլ  
որոշել էր հարսնացու ճարել չունենոր օջա-  
խից: Թագաւորի այս վճիռների վրայ շատ  
մարդու խելքի ծէրը գնում էր: Տղէն երբ չա-  
փահաս դարձաւ, Շէն Թագաւորն ասեց.

— Գնա՛, որդի, հարսնացու ընտրիր. վեց  
ամիս քեզ ժամանակ եմ տալիս: Աշխատիր  
չիտաբուխս: Աւելի սրտիդ ընտրածին հաւա-  
նիր, քան թէ աչքերիդ: Ինչ տեսակն էլ  
ընտրես, ինձ ընդունելի է, միայն զգո՛յշ կաց,  
որդիս, աղքատ ու հպարտից:

<sup>1)</sup> Դէմք:

Մի՛ամիտ կաց, հայր իմ, կ'աշխատեմ բե-  
րածս քո սրտովը լինի, ասեց տղէն ու պա-  
լատական իշխանի հետ ճամբայ ընկաւ:

Երբ բաւական տեղ գնացել էին, իշխանը  
խօսք բաց արեց.

— Թագաւորագը ողջ լինի, այդ բան էր,  
որ թագաւորն արեց: Ես հաստատ գիտեմ, որ  
քո աչքը իմ աղջկայ վրէն էր:

— Ճշմարիտ այդպէս է, պատասխանեց  
թագաւորագը, բայց ձեռովս ինչ է գալիս:  
Հօրս արածին հակառակել չեմ կարող. նրա  
որոշումն է, որ ես աղքատի աղջիկ ուզեմ,  
իսկ դու հարուստ ես:

— Իմաստուն կարգադրութիւն է հօրդ  
արածը, մտքումը ծիծաղելով խօսեց իշխանը,  
աղքատ աղջիկները միշտ խոնարհ են լինում,  
ո՞վ է բան ասում: Աւելի լաւ է հօրդ հնա-  
զանդես: Վնաս չունի, իմ աղջիկն էլ մի երի-  
տասարդի կըտամ. ինչ անեմ, որ շատ էլ գո-  
վական չի լինիլ, բայց մեծ հոգս է հարկա-  
ւոր որ թագաւորի հարսը լինի աննման թէ  
գեղեցկութիւնով և թէ շնորքով:

Թագաւորագը, որ բարեսիրտ ու միամիտ  
տղայ էր, վրայ բերեց.

— Շատ շնորհակալ եմ, իշխան. ինչ ասել  
կ'ուզի որ դու փորձառութիւնով ու խոր-



հուրդներովդ պտես օգնիլ ինձ. հայրս այդ մտքով քեզ ընկեր կարգեց: Առանց քու յօժարութեան ես ոչովի հարսնացու չեմ ընտրիլ:

— Իմ գլուխը սիրելի թագաւորազի ճամբին վեր դրած է, ինչ նեղութիւններ տես, պատրաստ եմ, պատասխանեց իշխանը և գոհ սրտով շարունակեց ճամբէն:

Ամեն տեղ ձայն էր ընկել, թէ թագաւորի համար հարսնացուի են ման գալիս: Քաղաքում թէ գիւղում մեծ պատուով ընդունում, ընտիր ու գեղեցիկ աղջիկներ էին ցոյց տալիս, ամենն էլ աղքատ տանից. մինը քանզմիւսը գեղեցիկ. թագաւորազը ուզում էր նշան տալ, բայց իշխանը քար էր խառնում և մտադրութիւնից ետ կացնում: Թագաւորազը միամիտ էր. բարի մտքով էր մեկնում նրա խափանելը. բայց ճշմարիտն այն էր, որ իշխանը Նէն Թագաւորի վրայ բարկացած, ուզում էր նրա որդու վիզը մի աղքատ ու հպարտ աղջիկ կապել և դրանով իւր վրէժը հանել: Նշանադրութիւնը այսօր կամ վաղը գցելով այնքան ծածուկ հարձակորձ արեց, որ վերջապէս իւր փնտրած աղջիկը գտաւ, աղքատ ու գեղեցիկ, բայց կռուարար ու ամբարիշտ:

— Թագաւորազը սղջ լինի, քու ուզած հարսնացուն ես արդէն գտել եմ. ամեն բանով գովահան, ամեն բանով շնորհալի: Բայց որովհետև մենք շատ աղջիկներ տեսել ու չենք հաւանել, հիմա նրանց բարեկամները նախանձելուց սկսելու են վատաբանել մեր ջոկածին: Աշխարհիս բանն այդպէս է. աւելի լաւ է շտապենք, այդ աղջկան տեսնենք. թէ հաւանես, նշան տանք: Լսել եմ որ նրա ծնողները աղքատութիւնից ուզում են մի հարբանի վրայ ծախել:

— Գնանք, գնանք, իշխան, ձեռից չըզցենք այդպէս յաւ աղջիկը, հաւանութիւն տուեց նրա խօսքին թագաւորազը և շտապալներով հաճաւ աղջկատուն: Հէնց որ երեսի գեղեցկութիւնն ու սիրուն հասակը տեսաւ, մնաց նայելիս: Խորամանկ իշխանը այս բանը որ նկատեց, ուրախացաւ իւր սրտում. ուզածը յաջողւում էր: Մօտեցաւ ականջի տակին փսփոսաց.

— Թագաւորնա՞ց տէր, մենակ սիրունութիւնով չէ հրաշալի, զեռ պտես իմանալ թէ ինչ շնորքներ ունի, որ հիանաս: Այսպէսին ճարելը հեշտ չէ. շտապենք, նշանը տանք, թէ չէ նախանձոտ հարեւանները հազար ու մի սուտ կը հնարեն խեղճ աղջկայ վրայ:

Հաւատալի է, հաւատալի, իշխան, նախանձը շատ բան կ'անի, վրայ բերեց միամիտ թագաւորազր. ահա քեզ նշանը, տո՛ւր, վերջացրու:

Իշխանը նշանի հետ շատ ոսկի տուեց աղջկայ ծնողներին, ետոյ հարսնացուին նոր շորեր հագցրած, զարդարած բերին Եէն Թագաւորի մօտ:

Եօթն օր, եօթը գիշեր հարսանիք արին: Խնդացին աշխարհովի. նորահարսին եկան շնորհաւորեցին, անթիւ ընծաներ տուին՝ ոսկի և մարգարիտներով զարդարած ու տարան առօք-փառօք բազմեցրին ամենից վերև: Ինքըն իրան մէջ ուռաւ. ինչ չէր տեսել իրանց պատին, հիմայ տեսաւ իւր ճակատին:

Շատերին դուր եկաւ նրա խոնարհ կերպարանքը. բայց ո՛ւր նա, ո՛ւր Աղունիկը: «Սրեգակի մօտ լուսինն ինչ է», ասում էին մի քանիսը, առանց իմանալու որ նորահարսի սրտին այդ խօսքերով դաղ են դնում: Եէն Թագաւորը սրտի ուրախութիւնից չէր իմանում ինչ անի. նորահարսի տեսքին ու հասակին նայելով ցնծում էր, դառնում կնոջը աչքալոյս տալիս, որ Աստուած իրանց մխիթարութիւն ուղարկեց:

Թագաւորի հետ ցնծում էր ողջ աշխարհը:

Բ.

Անցկացաւ մի ամիս, երեք ամիս. քաղցր հարսը փոխուեց, դառնացաւ: Պալատում մեծ ու փոքր նշան սիրում, գուրգուրում էին, այդ բանից երես առաւ, իրաւունքներ բանացրեց և սկսեց համարձակ պատասխաններ տալ կերսարին <sup>1)</sup> ու սկեսուրին: Նշանակութիւն չտուեց, թէ տանը իրանից աւելի մեծ կայ, պահանջեց որ ամենն էլ իրան գլուխ վէր բերեն:

Եէն Թագաւորը ծածուկ թէ աշկարայ շատ խրատեց որ հարսին կօտրի, ճամբի բերի, չեղաւ: Ով նորահարսի գեղեցիկութիւնն էր տեսել՝ առանց բնութեան ծանօթ լինելու երանի էր տալիս թագաւորին. «Բազում նրա աչքին, որ այնպէս գեղեցիկ ու խոնարհ հարս ճարեց. մենք էլ գնանք այսուհետև աղքատների տներից հարսնացու ջոկենք»:

Եւ ճշմարիտ. նորահարսը դրսևը ման գալիս այնպէս ծանր էր կենում, ինչպէս ծով, այնպէս մեղմ էր զրուցում, կարճես անմեղ գառը, բայց երբ պալատն էր մտնում, լե-

<sup>1)</sup> Սկեսորի ամուսին:

գուով ու արարմունքով այնպէս էր շանթում<sup>2)</sup>,  
ինչպէս նեւ-օձ:

Աղունիկի գեղեցկութիւնը քչի պէս ծա-  
կում էր նրա աչքը: Թագաւորն ու թագու-  
հին հարսին շատ համբերեցին. բայց տեսան  
որ վերջ չի լինում նրա անբարշտութեանը,  
սկսեցին մտածել, մտածելուց սևասրտել ու  
ցաւի տիրանալ:

Ինչ անէին խեղճերը, ոչ կարելի էր  
գուրս անել, ոչ իրանց ցաւը լոյս աշխարհ  
հանել: ձարահատուած տղին յանդիմանում,  
երեսատում էին, թէ ինչու ար շանթը մեր  
տուն գցեցիր: Քանի անգամ պատուիրեցինք,  
որ աղքատ ու հպարտից հեռու կենաս: Այս  
ինչ սև օձ էր, որ մեր վզովը փաթա-  
թեցիր:

— Հայր իմ, ինչ անեմ, լալով պատաս-  
նում էր որդին, ես ինչ մեղ ունիմ: Դրա ընտ-  
րութիւնը իշխանն է արել:

Թագաւորը խիստ դառնացած էր. կան-  
չեց հարցուփորձ արեց, և վերջը երբ տեսաւ  
որ իշխանն էր մեղաւոր, իսկոյն պալատից ար-  
տաքսեց ու ինքն էլ մի քանի շաբաթ չքա-  
շեց անկողին ընկաւ: Ծերութիւնը մի կողմից

էր յաղթել, տան խառնակութիւնը միւս  
կողմից:

Երբ դժուար ժամանակ որդին եկել էր  
մխիթարելու, հայրն ստեց:

— Որդի, քու միամտութիւնը էժան չը-  
նստեց ինձ, խաբուեցիր կին ընտրելու մէջ և  
ինձ շուտով գերեզմանի դուռն ուղարկեցիր...  
Մի լար, սրանից դէնը քո լացն ինձ չի օգ-  
նիլ: Բայց լիք վերջին պատուէրս, թէ ինչ  
ես անելու: Ինձանից ետը աշխարհիս մեծն ու  
կառավարիչը դու ես: Քեզ խրատել հարկա-  
ւոր չի, գոհութիւն Ասծու, խելահաս մարդ  
ես: Կնկանդ համոզիր, որ մօրդ պատուի, չը-  
վշտացնի, նա գոնէ մխիթարուած սրտով գե-  
րեզման մտնի: Գլխաւոր հոգսս Աղունիկն է.  
նրան խնամող-պահպանողը մայրը կըլինի. նա  
ոչ քեզ նեղութիւն կըտայ, ոչ կնկանդ: Իմ  
հարստութիւնից մի փոքր մասը որ տաս, մին-  
չև կեանքի վերջը ապահով կ'ապրի: Յուսով  
եմ որ հաւատարիմ լինիս իմ պատուէրին:  
Դու գիտես որ ես մեռնում եմ գոռոզ կըն-  
կանդ երեսից, աշխատիր իշխել նրա վրայ, թէ  
չէ մօրդ ու քրոջդ զլորելուց ետը քեզ էլ  
հանգիստ չի թողնիլ հօրդ պալատում:

Թագաւորազը լալով մօտեցաւ հօր ձեռ-  
ները համբուրեց.

1) Այրել:

— Խոստանում եմ, հայր իմ, պատուէրներդ կատարել ճշտութիւնով:

Շէն Թագաւորը օրհնեց իրան շուրջը եղողներին, կանչեց Թագուհուն, մնաս բարևասեց. ձեռք Աղունիկի գլխին դրեց ու հօգին աւանդեց: Թագաւորագն իսկոյն գնաց կնոջը նախատեց:

— Ինչքան գոռոզ արարած ես, որ կերտարդ մեռաւ, մի անգամ աւր տալու չեկար:

Հարսը որ կերտարի մահը լսեց, տեղից վեր թռաւ ու բարձրաձայն ճուշտով, լալով սգաւորների մէջն ընկաւ առանց երեսին քող ծածկելու: Ետերն ասում էին.

— Տեսէք, տեսէք, ինչքան է սիրում կերտարին, որ սրտի կսկծից ամօթը մոռացել է:

Թագաւորագը մեծ փառքով հօր թաղումը կատարեց և Աղունիկի ձեռով ողորմութիւն բաժանեց տնանկ ու աղքատներին:

Հարսը նոյնպէս սուգ էր պահում տանեցոց հետ. հանդարտ էր, կարծեցին թէ բնութիւնը փոխել է:

Ժամանակ անցնելուց ետը թագուհին աղջկանն ասեց.

— Աղունիկ, փեսացու ընտրելուդ օրերը մօտենում են. երկար ապրելու յոյս չունիմ, ուզում եմ աչքովս պսակդ տեսնել: Հայրդ

վճուել է մի աղքատ ու անուանի տղայ ընտրես, քու բաժինքով նրան բաղդաւորես: Իայց ես մի բան էլ եմ ասում. լաւ կլինի առաջ քո հասակի աղջկերանց իրանց մուրազին հասցնես, նրանց մաղթանքն ու նրանց մայրերի օրհնանքն առնես, ետոյ քու ընտրութեան ետնից կենաս: Գանձարանի բանալին հայրդ ինձ է տուել. ա՛ռ, գնա՛, ինչքան ուզում ես ոսկի արծաթ վեր կալ ու քու զիտեցած տեղերը բաժանիր:

Աղունիկը հնազանդ աղջիկ էր, մօր խորհուրդը լսեց ու սկսեց թաղէթաղ պտըտել, չքաւոր աղքատներին փող բաժանել: Հարսը այս որ իմացաւ, էլի քաջքերը մօտ եկան. կատողեց ու սկսեց ինքն էլ իրանուզլու կարգադրութիւններ անել պալատի մէջ: Սարգը բարկացաւ Աղունիկի առաջ կնկանը յանդիմանեց.

— Մի՞թէ չես իմանում որ առանց տան մեծից իրաւունք խնդրելու չպտես մի բան անել:

Կինը պատասխատեց.

— Այս տան մէջ աարիքով մեծը քու մայրն է, բայց թագուհին ես եմ, իշխանութիւնն իմն է. ուրեմն ինչո՞ւ չեմ կարող անել:

որքան էլ թագաւորազը համոզում էր, որ չհակառակուի սկեսուրին խօնարհ լինի, կնիկը եքսան <sup>1)</sup> գուռոց պատասխաններ էր տալիս:

— Եթէ ձեռներս կապուած պտէին լինիլ աղքատի պէս, մեր տանը կընստէի, էլ ինչն էի թագաւորի տուն հարս գալիս:

Թագուհին հարսի ասածները թէ ականջով էր լսում, թէ Աղունիկի միջոցով, և ցաւի վրայ ցաւ էր աւելանում: Աղջկան ու տղին նայելիս սիրտն ուզում էր փառաւորուի, բայց հարսի արարմունքները միտք բերելով մաշուում ճէրք էր ընկնում: Ոտի վրայ ման գալ չկարելով վերջիվերջոյ անկողին մտաւ. որդին նրա տկարանալու վրայ շատ կոտորուեց, գիտէր որ իւր կնկայ ձեռից է հլւանդացել. սևերես էր մօր մօտ, ուշ-ուշ էր գնում ակը <sup>2)</sup> տալու: Աղունիկն էր միայն, որ սևասրտած <sup>3)</sup> կանգնած էր լինում մահճի մօտ և գիշեր ցերեկ հսկում էր մօրը: Այն ինչ արաքտրաքուած <sup>4)</sup> հարսը իւր տեղ հանգիստ նստած ասում էր.

<sup>1)</sup> Աւելի ու աւելի. <sup>2)</sup> այցելել. <sup>3)</sup> սխուր. <sup>4)</sup> ամբարտաւան:

— Թէ ճէրք սկեսուրս էլ կը մեռնի, ես գիտեմ թէ Աղունիկի գլուխն ինչ կըբերեմ: Թող ասեն որ նա արեգակ է, իսկ ես նրա կշտին լուսին էլ չեմ:

Այսպէս մտածելով ոչ մի անգամ էլ տեսութեան չգնաց: Թագուհին ցաւից յաղթուած վերջին շնչումն էր, կանչել տուեց որդուն և ասեց:

— Որդի, ինչ որ մինչև օրս խնայել եմ քեզ ասելու, այսօր յայտնում եմ, որ իմանաս, թէ մայրդ ինչ վիրաւոր սրտով է հեռանում աշխարհից: Շատ երկար կըլինի որ միառմի պտմեմ քու կնկայ արարքները: Սարի պէս հայրդ նրա ձեռից դարդախեղդեղաւ, մեռաւ: Եթէ մինուճար աղջկանս հոգսը չլինէր, այսքան դառն օրերի չէի գիմանալ: Թէպէտ Աղունիկին աչքի լուսից աւելի եմ սիրում և կամենում եմ բաց աչքով պսակել, որ հօրդ պատուէրը կատարած լինիմ, բայց կինդ, որդի, նրա գէշ-գէշ խօսքերը սիրտս վտեցրել են. էլ ապրելու ոյժ չկայ: Ես մեռնում եմ և միտքս քեզ յայտնելով կամենում եմ ամեն մեղք ու վարձք քու վիզը գցել: Հայրդ ինձ է յանձնել քրոջդ, որ մուրազին հասցնեմ: Նրա բաղդից ես տկարացայ, ձեռս կարճացաւ. կենդանութեանս օրով չկարողա-

1001  
7117

ցայ նրա ուղած փեսացուն ընտրել: Ես այժմ յանձնում եմ քեզ ու խնդրում, որ դու լինիս նրա եղբայրը, նրա հայրը և նրա մայրը: Եթէ ուզում ես, որ գերեզմանումն էլ քո արևն օրհնեմ, Աղունիկին սրտապակաս չըթողնես. այնպէս պտես մտիկ անիլ, որ չիմանայ թէ որք է՝ Փնռք Ստեղծողին, ողորմած հօրիցդ մնացած պաշարներն անհատնում են և գանձերն անսպառ. համ դուք վայելեցէք, համ նրան տուէք: Աղունիկը մեծ պահանջներ անող աղջիկ չի. դու պտես իմանալ նրա ուղածը: Եթէ կնկանդ յուսով թողնես, նա ոչ թէ հաց ու շոր կըխնայի, այլ նախանձից կըհեռացնի իւր հօր պալատից:

Որդին ուշադրութիւնով լսեց մօր խրատն ու կտակը, խոստացաւ սրբութիւնով կատարել: Թագուհին իւր մօտ կանչեց Աղունիկին, ձեռը գլխին դնելով օրհնեց, համբուրեց, եղբօրը յանձնեց ու արդար շունչը փչեց:

Եէն Թագաւորազը մեծ պատուով թաղեց իւր մօրը և սկսեց աշխարհը կառավարելու ետնից կենալ:

Գ.

Եղբայրը Աղունիկին առաջուց էլ սիրում էր, բայց ծնողների մահը և նրանց պատուէրները եքսան վարարացրին <sup>1)</sup> նրա սէրն ու գգուանքը: Քրոջը տխուր տեսնելիս, իւր գործերը թողնում, մօտը նստում էր, տխրութեան պատճառը հարցնում, սրտի ուղեղիքն իմանում և իսկոյն կատարում տալիս: Կարծում էր թէ Աղունիկի տխրութեան պատճառը միայն ծնողների մահն է, էլ չէր իմանում, թէ իւր կնիկը ինչ չար աչքով է նայում տալի վրայ:

Օր չէր անցնում որ նախանձ հարսը չընչին բանի համար Աղունիկի հետ կռիւ չտայ ու ծանր խօսքերով թաղաւորին, թագուհուն չհայհոյի: Ի հարկէ այս բոլորն անում էր մարդից ծածուկ: Ետ էլ վշտանում էր խեղճ աղջիկը, շատ էլ սրտի կսկծից քաշւում էր իւր սենեակը, աղի-աղի լաց լինում, բայց երբէք մտքովը չէր անցկացնում եղբօրը գանգատուել. վախենում էր գրանով աւելի կատաղացնի հարսին: Հէնց որ եղբօր ոտնաձայ-

<sup>1)</sup> Առատացրին:

նը լսում էր, արտասուքները կուլ էր տալիս, լացն ու հեկեկոցը ներս էր անում և եղբոր առաջ ծիծաղադէմ կանգնում:

Այդպէս ժամանակները հարսը ականջը ծածուկ մօտեցնում էր դռան ձեղքին, որ խօսակցութիւնն իմանայ: Հաւատացած էր, որ տալը եղբոր մօտ լաց կըլինի և իրանից կըզանգատուի, բայց սպասածի հակառակ լըսում էր, որ քոյր ու եղբայր իրար հետ խընդում, ծիծաղում են: Նախանձից ուզում էր միջից կէս լինի: Երբ տեսնում է որ իւր շանթածով, տուած տանջանքներով տալը կոտորւում չի, ուզում էր իւր միտն ուտի. երբ տեսնում էր որ քոյր ու եղբայր իւր ցանկութեան հակառակ սէր են անում, ինքն իրան մէջ տապակ-տապակ <sup>1)</sup> էր լինում:

—Ձէ, այսպէս չի լինիլ, ասում էր, պէտք է սրանց սրտերը բաժանել. այնպէս սառնութիւն գցել մէջները, որ աչքով աչք չուենենան իրար նայելու:

Եւ սկսում էր իրար ետնից անվերջ գանգատներ անել Այլունիկից թագաւորազին: Բոլոր հնարները գուր էին անցնում. երբայրը ոչ մի զրպարտութեան չէր հաւատում: Հարսը

<sup>1)</sup> Խորովուել:

իմանալով իւր մարդու միամտութիւնը, չէր գաղարձում գանգատները շարունակելուց:

—Օրական մի քորոցի չափ կոսկած աւելանայ եղբոր սրտում, բաւական է, ասում էր օձփոր <sup>1)</sup> հարսը:

—Գիտես ինչ, ասում էր մարդուն. քո քոյրը տնող <sup>2)</sup> է անում ամենի մօտ, որ ես աղքատի տանից եմ եկած:

—Գիտես, քու երեսպարզ քոյրդ թնչ է ասել. սրա նրա մօտ ասել է, որ իմ խօսքը պալատական իշխանի հետ է, որ ես քեզ անհաւատարիմ եմ:

Արայ երրորդ օրն էլ ասում էր.

—Գիտես ինչ. քու պրճոկուած <sup>3)</sup> քոյրը ասել է, թէ եղբայրս է մեղաւոր, որ ծնողներս դարգախեղդ եղան, իրար ետնից մեռան:

Սրանց պէս հարիւր բան ինքն իրան հնարում, թագաւորազի ականջն էր հալում: Եղբայրը բնութիւնով հանգարտ էր, չէր բարկանում քրոջ վրայ, բայց թւում էր, թէ տասը սուտից մինը ճշմարտի տեղ էր ընդունում և իւր մէջ վշտանում: Քրոջ սիրտը չըկոտրելու համար կնկանն էր սաստում, որ ձեռ վերցնի նրանից: Բայց հարսը տեսնում

<sup>1)</sup> Նախանձոտ. <sup>2)</sup> ծաղրել. <sup>3)</sup> քրքրուած:

էր որ ամուսինը աչքի տակով է նայում Աղունիկին. ուրախանում էր որ իւր չար գիտաւորութիւնը յաջողութիւն է գտնում և աւելի սիրտ էր առնում և ծանր զրպարտութիւններ սարքում տալի վրայ.

— Գիտես քո նախանձ քոյրն ինչ է ասում: Ասում է թէ՛ վայ իմ օրին, որք եմ մնացել. ծնողներս զուր տեղը եղբօրս լուսով թողին, նա օտարի աչքով է նայում ինձ: Անտէր-անտիրական աղջիկները ինձնից լաւ վիճակի մէջ են. եթէ չամաչեմ, կը հեռանամ հօրս տանից, որ ոչ եղբօր երես տեսնեմ, ոչ հարսի:

— Տեսնում ես ինչ ապերախտ պտուղ է քո քոյրը: Ափսոս քո աշխատանք: Ասենք թէ ես նրա համար վատ եմ, օտար եմ, դու խօլաւ ես, քո ջանն ու հոգին խօ նրա համար գնում է, տասը մատդ նրա համար ճրագի տեղ վառած ես պահում, քեզ ինչո՞ւ է վատաբանում սրա-նրա հետ բամբասում: Ես ու իմ հոգին, ինչ էլ ասի քեզ, արժան է, որովհետեւ միամիտ ես ու չես իմանում թէ ո՞վ է քո չարակամն ու բարեկամը:

Թագաւորագը ոչինչ չէր պատասխանում, միայն ունքերը կիտում էր ու առանձնանալով մտքի մէջ ընկնում: Հարսը եքսան սիրտ առնելով ասում էր.

— Ուխտայ, բանս յաջողում է. յոյս ունիմ այնպէս անեմ, հօր տանից տկլոր դուրս գալ: Թող այն ժամանակ պարծենայ, որ ինքը ինձանից սիրուն է. տեսնեմ ո՞վ է այն աղքատ տղէն, որ չիմարի նման յօժարում է դար ու զարդակ աղջկանն ուզում: Տեսնենք տնագատեղը ես կը լինիմ թէ՛ Աղունիկը:

Աղունիկը չգիտէր թէ հարսը իրանից բամբասանքներ է անում. միայն այն էր զարմանում, թէ ինչո՞ւ եղբայրը իրան ուշ-ուշ է այցելում կամ հանդիպած ժամանակ երեսը շուռ տալիս: Գնում էր եղբօր մօտ, որ վիշտը յայտնի. բայց քանի գնում էր, հարսն այնտեղ էր լինում: Ամօթից ու վօխից կամ ոչինչ չէր խօսում կամ անմեղ պատճառ տալով դուրս էր գալիս:

— Այս լաւ առիթ է, մտածում էր հարսը, երբ սա շուտ-շուտ եղբօր մօտ է գալիս, անշուշտ մտքում մի բան կայ: Լաւ, թող սպասի, տեսնի գլուխն ինչ եմ բերում:

Հինումին շորեր իրար մօտ հաւաքեց, վառեց, ճուխումիսով տունը լցրեց, ետոյ ճուղով դուրս փախաւ.

— Վայ օգնեցէք, շորերս կրակը լափեց:



Ծառաները վազեցին ու ուզեցին կրխ-  
ձոր <sup>1)</sup> տալ հանգցնել կառ <sup>2)</sup> բնկած շորերը,  
բայց հարսն արգելեց վրները ծղրտալով.

—Թողէք թագաւորը գայ և իւր աչքով  
տեսնի, թէ քոյրը անգգամ քոյրը ո՞նց է կրա-  
կը դրել շորերիս միջին ու իւր սենեակում  
անմեղ ձևացել:

Ծառաները հեռացան թէ չէ, էլի հըն-  
մաշ շորերը անեց կրակի վրայ: Թագաւորազը  
պալատը մտաւ. կինը մրկած ու ալրուած շո-  
րերի վրայ ձեռք մեկնելով տսեց.

—Ի՞նչ պատուհաս էր քոյրդ, որ ծնող-  
ներըդ թողին. լաւ պտուղ էր, շատ էին սի-  
րում, հետները կրտանէին, էլ թնչ էին ջա-  
նիս համար ցաւ թողում: Արած բամբա-  
սանքները բաւական չէին, այսօր էլ շորե-  
րըս է կրակի բերան տուել: «Եղբայրս իւր  
կնկայ համար երկ-երկու է առնում շորը,  
իսկ ինձ համար մինն էլ չի առնում. ես էլ  
այսպէս կ'այրեմ», ասում է քու քոյրը: Բա  
էս համբերելու բան է: Եգուց էլ ո՞վ գիտէ  
թնչ փորձանքներ բերի գլխներիս: Սրապէս  
անամօթ-ապերախտին վաղուց էր հարկաւոր  
տանից վռնդելը, բայց դու պատուած ու պաշ-

<sup>1)</sup> Դիտակ. <sup>2)</sup> վառուած:

տած ես պահում: Ի հարկէ նա էլ քեզպէսի  
լաւութիւնը այսպէս կրվճարի:

Եէն թագաւորազը անխօս գնաց քրոջ  
մօտ. տեսաւ աղիոզորմ լալիս է ու արտա-  
սուքը կարկտի պէս աչքերից թափում.

—Ա՛խ, մայր իմ, ասում էր, ինչո՞ւ որք  
թողիր ինձ, ինչո՞ւ հետդ գերեզման չտարար:  
Այս ինչ դառն օրեր է, որ քաշում եմ հօրս  
տանը:

Եղբայրը գթաշարժուեց նրա լացի վը-  
րայ. մօտեցաւ, ասեց.

—Հանգարտուիր, քոյր իմ, ո՞վ է քեզ  
վշտացրել: Ի՞նչ անենք որ երկու կտոր շոր է  
այրուել. նորը կ'առնեմ, դարդ մի անիլ: Դու  
խօ մեղաւոր չես, ինչո՞ւ ես սրտի գալիս. բո-  
ւական ժամանակ է քեզ մօտ չեմ եկել, կա-  
րելի է դրա համար ես նեղացել: Ես քեզ մօտ  
մեղաւոր եմ, քոյրիկ, ներիր ու համարձակ  
ասա՛ վիշտդ: Ոնց տեսնում եմ հարսիցդ ես  
վշտացած. թնչ ունիս նրա դէմ, ասա՛:

Աղունիկը պատասխանելու տեղը լացը  
շարունակեց, որովհետեւ չգիտէր հարսի արած  
գէշութիւններից ո՞րն ասի և ո՞րը թողի:

—Մի քաշուիլ, ասա՛, կրկնեց եղբայրը  
ձեռք քրոջ վզով գցելով. հարսդ քեզ վրայ  
անթիւ բաներ է ասում, ինչո՞ւ չես ջրում,

կասկածները քեզանից հեռացնում: Կարելի է վախճնում ես: Ո՞ւմնից:

— Բարի Աստրծուց, ես ոչովից չեմ վախենում, եղբայրս, ասեց քոյրը: Բայց հաւատա՞ Աստրծուն, որ ես ոչ մի բանից տեղեկութիւն չունիմ. ինչ ասում է հարսս, բոլորը իրան սարքածն է:

— Ամենից շատ ուրախացողը ես կըլինիմ, քոյրիկ, երանի բոլորը սուտ լինէին: Հանգիստ կաց, հարսը չի կարող քեզ ոչինչ անել. այսուհետեւ նրա հետ ոչ մի գործ էլ մի ունենալ: Քոյր ու եղբայր խօսելիս, հարսը մտրուղ <sup>1)</sup> կացած լսում էր ու իւր մէջը փրփրում, կատաղում—անխ, ինչպէս հանդարտ է խօսում քրոջ հետ: Ելի մտերմացան, թէնչ անեմ որ բաժանեմ և վերջնական բաժանեմ:

Ունքերը կիտած, գլխակախ մտածում էր որ հնար գտնի: Սրտի չարութիւնից աշխարհը մտէն ընկել էր, ինչ թէ կաթնակեր մանուկը, որ օրօրոցում վրչում <sup>2)</sup> էր անծիծ և անփոփ <sup>3)</sup>:

Ուտել-խմելը մոռացած, գունատուած ման էր գալիս սենեակէ սենեակ առանց դա-

<sup>1)</sup> Թագնուած, ականջը սրած. <sup>2)</sup> լալիս. <sup>3)</sup> անկե-րակուր:

գարելու: Ծառաները վաղուց էին սկսել զըզուել. սարսափել նրա դէմքից ու աչքերից: Աղունիկը խօ շաբաթներով նրա երեսը չէր դուրս գալիս, փակուած էր իւր սենեակում. ճաշն էլ այնտեղ էր ուտում:

Մէն Թագաւորազը քրոջ բաժինքի պատրաստութեան ետնից էր: Աղունիկը անհամբեր սպասում էր եղբօր առաջարկին, որ փեսայ ընտրէր ու գնար իւր արևի ձէնն ածէր: Չար հարսը հէնց մի առիթ էր փնտրում, որ Աղունիկի վրայ բամբասի:

— Տեսնում ես, ինչքան հպարտացել է քոյրդ, ասում էր մարգուն, նշանուելու օրերը մօտեցել են, գուեխը վեր չի ունում մեզ մօտ ճաշի գալ:

Մարդու մօտից հեռանալով ինքն իրան ասում էր.

— Սպասիր, ամբարտաւան աղջիկ, քանի այս շունչը վրէս է, չեմ թողնիլ մուրագիդ հասնես: Ոնց որ հօրն ու մօրդ դառնացած սրտով գերեզման իջեցրի, քեզ էլ արիւն արտասուքով պալատից կըվաճեմ: Բաժինքի տեղ ձեզ չեմ տալ աչքդ կոխես: Սպասիր, միամիտ Աղունիկ, ես մեռած պտեմ լինիլ, որ դու աշխարհում օր տեսնես:

Գ.

Մի իրիկնադէմ չար հարսը կատաղած  
ինքն իրան խօսում էր.

— Մինչև օրս բոլոր հնարները զուր անց-  
կացան, բայց միթէ էլ հնար չկայ և այն-  
պիսի հնար, որ թագաւորազի սիրտը տակից  
մղկտացնի: Ես մինչև իմ մարդուն թունդ  
կսկիծի չհանդիպեցնեմ, նա իւր պաշտած քրո-  
ջից ոչ ձեռ կը վերցնի, ոչ պալատից կը վաճառի:  
Ձէ, սրտիս փափագը պտեմ կատարիլ, ինչ  
գնով էլ լինի, միայն թէ Աղունիկին, իմ աչքի  
փուշին կործանեմ, օրը խաւարացնեմ, որ  
մարդիկ չասեն թէ՛ նա արեգակ է, ես լուսին:

Գիշեր ժամանակ ամեն ինչ խաղաղ էր,  
պալատում ամենքը քնած. չար հարսն էր,  
որ ղև կտրած անքուն էր: Անկողնից զգոյշ  
վեր կացաւ, մօտեցաւ օրօրոցին, մանուկի  
գլուխը ձախ ձեռով բարձրացրեց, աջ թևում  
պահած դանակը մեկնեց, մի սկիւթարթում  
երեսին մորթեց: Արիւնոտ դանակը զգոյշ  
ու կամաց տարաւ միւս սենեակը Աղունիկի  
գրպանը դրեց, հետը հետին <sup>1)</sup> դարձաւ

<sup>1)</sup> Եսկոյն:

օրօրոցի մօտ ու բարձր, կատաղի ձայնով  
ճուռաց:

Թագաւորազը ճուռոցի վրայ զարթնեց ու  
մնաց սարսափած: Չգիտէր, կնիկն ինչո՞ւ է  
ծվում, ծկլթում. ուզում էր հանգարա  
հարցնի պատճառը, որ լանկարծ կնիկը խօս-  
քը բերանից խլեց.

— Ըհը՛, այս էլ քու ոչուփուչ <sup>1)</sup> քոյրը,  
ձեռը մեկնեց օրօրոցի վրայ. որ ասում էի  
այդ անզգամին տանից վաճառիր, սրա համար  
էի ասում:

Օրօրոցը թեքեց, արիւնշաղախ մանու-  
կին ցոյց տուեց ու սուտ հեկեկոցն սկսեց.

— Այս Աստուած կը վերցնի, ես կսկծից  
մղկտամ, մարդասպան քոյրդ իւր համար հան-  
գիստ խորմփայ: Էլ տեսլու ես, թէ քոյրս  
այդպէս բաներ անող չի... Հո՛ւ, հո՛ւ, հո՛ւ,  
սուտ լալով սկսեց ծնկները ծեծել: Թագաւո-  
րազը, որ մորթում ամանուկին տեսնելով  
մնացել էր քարացած, երբ նկատեց որ էլի  
իւր քրոջն է մեղադրում, կնկանն ասեց.

— Ա՛խր ինչո՞վ ես իմանում որ նա է  
արել. ինչո՞ւ ես հոգիդ այրում, չոր փայտին  
արիւն քսում: Ասենք քոյրս չի օտարի մէկն

<sup>1)</sup> Փուչ կենդանի:

է, հէնց պտես զուր խօսելով միշտ կրակում պահել: Չէ որ նրան էլ Աստուած է ստեղծել: Նրա մասին էլ ինձնից հաշիւ կը պահանջուի: Ինչո՞ւ չես վերջ տալիս նախանձիդ: Ես էլ եմ տեսնում որ մի անիրաւութիւն է արուած, հատիկ որդիս մորթուած է, աշխատենք յանցաւորը գտնենք, ոչ թէ անմեղին կրակը դնենք: Քոյրս խօ լիմարացել, միսը չի կերել <sup>1)</sup>, որ այդպէս բան անի: Քոյր չէ որ, աչքիս լոյսը լինի՝ արդար դատաստան անելուց ետ չեմ կենալ:

— Ո՞վ կը թողնի, որ ետ կենաս. ո՞վ իրան որդուց հեշտութիւնով ձեռ կը վերցնի: Այդքան որ պաշտպանում ես քրոջդ, ասաց կինը ձեռիդ մէջից հոտ ես կալել, որ նա արդար է:

— Հապա դու ձեռիդ մէջից հոտ ես կալել, որ նա է մեղաւորը: Ինչո՞վ ես իմանում որ նա է սպանել:

— Հալբաթ նրա հոգին ճանանչում եմ, որ ասում եմ. թէ չէ զուր խօսելը ես չեմ գիտնում, որ Աստուծո՞ւ դէմ է: Ուզում ես կանչիր քու ծակծակոտուած <sup>1)</sup> քրոջը, հարցով փորձ արա, հէնց խօսալուց կերեալ:

<sup>1)</sup> Ծակծկուած, գնդակահար եղած.

— Այստեղ ո՞ւր կանչենք, գնանք էրան մօտ, ասեց թագաւորազը և կնկալ հետ մտաւ Աղունիկի ննջարանը: Աղջիկը հրեշտակի պէս խաղաղ քնած էր. եղբայրը վրդովուած սըրտով Աղունիկ, կանչեց. քոյրը շարժուեց, անկողնում նստեց. սկսեց աչքերը հաղաղել որ քաղցը քունը փախցնի: Հարսը ետնից ներս մտնելով ժամանակ չտուեց որ եղբայրը երկրորդ անգամ կանչի. կատաղած յարձակուեց Աղունիկի վրայ և քներակին <sup>1)</sup> դմբուզով <sup>2)</sup> շրմփացնելով <sup>3)</sup> ճղաց.

— Տես, ո՞նց է սուտ քուն մտել, պրծուած-սև սրտով:

Մինչև խեղճ աղջիկը վեր կը թուչէր դըմբուզի սաստիկ ցաւից, հարսը ձեռը մեկնեց ու նրա շորի գըպանից արիւնոտ դանակը հանեց.

— Ես որ ասում էի, չէիր հաւատում. հիմի քոյրդ է թէ չէ. էլ կ'ասես թէ չոր փայտին արիւն եմ քսում: Փնօք Աստուծոյ, նշանը գտնուեց:

Թագաւորազը մնաց փէտացած, կանչնած. աչքի տեսածին չէր հաւատում:

<sup>1)</sup> Քունք. <sup>2)</sup> կըռուփ. <sup>3)</sup> ուժղին խփել:

— Ինչ ես լռուել, ասեց մարդուն, էլի մտածում ես քրոջդ պաշտպանեն: Ձէ, հնար չկայ, մտածելու ժամանակն անցկացաւ. որդի եմ կորցրել, այս բոպէիս որդուս արիւնը տո՛ւր:

Այս ասելով տալին քաշքշելով բերեց օրօրոցի մօտ: Աղունիկը երբ արիւնոտ դանակը իւր գրպանից հանելիս տեսաւ, այժմ էլ արիւն շաղախ մանուկին, սարսափից մնաց ծմրանը կտրած, պտպանձուած: Խելքը կորցրածի նման մէկ դանակին էր նայում, մէկ օրօրոցին:

Հարսը ընդհակառակը մի բոպէ չէր լռում, անդադար գոռում էր, Աղունիկի վրայ մեղադրանքներ դնում և պահանջում.

— Ինչպէս դա որդուս մորթել է ու սիրտըս խորովել, դրան էլ պտես մորթիլ աչքիս առաջ, սիրտս հովանայ, թէ չէ ձեռ վերցնողը չեմ:

Թագաւորազը տեսնում էր որ այս ամենի դէմ քոյրը լռում է, եքսան էր տխրում: Դրանից եզրակացնում էր որ ուղիղ նրա արածն է. չէր ուզում երես երեսի հետը խօսել. շուռ եկաւ ու ասեց.

— Այ դու, քարասիրտ, եթէ հարսիդ չէիր խղճում, գոնէ ինձ խղճայիր, սր քեզ գլխիս հաւասար սիրում էի: Խղճմտանքիդ ինչ էիր

ասում, որ անմեղ մանուկին անողորմաբար սուրն էիր քաշում:

Աղունիկը պոնգէ պոնուգ լցուած ամանի պէս եղբօր այդ խօսքերի վրայ սկսեց թնգթնգալ, հեկեկալ, աչքերից աղի-աղի վեր ածել<sup>1)</sup> և հետն էլ լալով ասել.

— Հաւատա՛ Աստուծուն, եղբայր, ես չեմ մորթել քու որդուն: Ես սնց կարող էի այդանել, երբ նրան ինքս էլ սիրում, փայլալուծ էի: Ես այդպէս անգութ բան չէի կարող մըտածել: Անմեղ եմ, խղճա՛ ինձ, եղբայր, մի հաւատալ, որ քոյրդ կարող է անմեղ մանուկի վրայ սուր բարձրացնել: Կինդ նախանձից ինձ հետ թշնամի է, նրա խօսքին մի լսիլ:

— Եթէ դու անմեղ ես, հարցրեց եղբայրը, հապա արիւնոտ դանակը քու գրպանում ինչ էր շինում:

— Հա՛, այդ հարցրու է, վրայ բերեց հարսը:

— Ասածուն հաւատա՛, եղբայր. մանուկին մատով չեմ դիպել, ինչ թէ դանակով: Ձեմ էլ իմանում ո՞վ է դրել գրպանս:

— Հապա ո՞վ է մորթել, կատաղածի պէս յարձակում էր հարսը. պալատի մէջ բացի

<sup>1)</sup> Դանակին արտասուել:

քեզանից մենք երկուս ենք: Բու ստելով դուրս է գալիս որ մանուկին կամ ես պտեմ սպանած լինիլ կամ սա: Դէ տեսնում ես անզգամ քոյրդ մինչև ուր է հասցնում իւր լրբութիւնը: Համարձակում է մտքովն անցկացնել, որ մեր մանուկին մենք մորթած կը լինինք: Բաւական է, էլ համբերութիւն չունիմ, եթէ դու քու քրոջը չես պատժիլ ինչպէս արժանն է, նշանակում է, կողմնապահ ես, մարդասպանի պաշտպան ես. քու պալատումը մի օր էլ չեմ կենալ:

Թագաւորազը մնացել էր երկու կրակի մէջ. չէր իմանում քրոջ աղաչանքներին լսի, թէ կնկայ սպառնալիքներին. կնկանից անցկենայ, թէ քրոջից: Կնիկը պահանջում էր, որ եղբայրը քրոջն անպատճառ մորթի:

Աղունիկը այս լսելով այնպէս էր մըղկրտում, այնպէս գլուխն ու արևը վեր թակում, որ լեռ քարերն անգամ կը փխրուէին: Եղբայրն ուզում էր քրոջը պաշտպանի, բայց վախենում էր կնկանից, որ ժողովրդի առաջ անունը չկտորի: Արիւնոտ նշանն էլ ծածկել չէր լինիլ: Իւր մէջ վճռում է որ քոյրը պատրժուի, որովհետև ինքն էլ իբրև հայր ցաւում էր իւր կորած որդու վրայ: Կնկայ պահանջը խիստ էր գտնում, ուզում էր իւր աշ-

խարհի օրէնքի համաձայն դանակը բռնող ձեռը կտրել ու թողնել:

Այս վճիռը որ Աղունիկը լսեց, զարհուրը ջանն առած այնպէս ծղրտաց ու մայրիկ կանչեց, որ կ'ատես լերդն ու թոքը բերանով դուրս եկաւ:

— Ախ, մայրիկ ջան, աչքդ ընց արա, գերեզմանից տես, ինչպէս է չարչարում ինձ եղբայրս: Բու սրան պահ տուիր, որ ինձ մեծացնի, մուրազիս հասցնի, հիմի այնքան քարատիրա է դառել, որ կնկայ խօսքով ուզում է ձեռս տակից կտրել: Ախ, մայրիկ ջան, միթէ դու չգիտես, որ ես անմեղ եմ: Միթէ եղբայրն այսքան անգութ կը լինի, որ հատիկ քրոջ քամբաղգութիւնն ուզենայ:

Մինչև որ Աղունիկն այսպէս լալով իւր հանգուցեալ մօր հետ էր խօսում, մագերը պոկում, ծնկները ջարդում, չար հարսն անգոհ մնալով ամուսնու արած վճռից գոռում էր.

Թագաւոր, հէնց իմացիր, ես կինդ չեմ, օտարի մէկն եմ. քոյրդ որդուս սպանել է, պահանջում եմ քեզանից՝ կամ որդիս կենդանացրու կամ արիւնի փոխը տուր:

Թագաւորազը գտաատանը դցեց հետեւեալ օրը և հրամայեց որ բոլոր պալատա-

կանները ներկայ լինին: Ով լսեց այդ բանը, ափսոսաց աղջկայ վրայ. շատերը հաւատացած էին, որ եղբայրը վերջին րոպեում կրների քրոջը, կամ ամենամեծ պատիժն այն կըտայ, որ պաշտօնից զուրս կ'անի: Դա մեծ ցաւ չէր լինիլ. Աղունիկն այնքան զեղեցիկ էր, որ նրան ամեն մի երիտասարդ առանց բաժինքի կ'ուզէր:

Դեռ լոյսը չբացուած հրապարակը մարդկանցով լիքն էր: Հաւաքուեցին մեծամեծները, երևաց թագաւորազը տրտում երեսով: Դահլճները բերին Աղունիկին սև շոր հագցրած: Երկու ձեռն էլ իրար մօտ կապկպած էր: Հանգիստական կնիկ թէ աղջիկներ՝ ամենն էլ նրան այդ օրում տեսնելիս լաց եղան:

Հարսը նեւ-օձի պէս սուտ օղիկ-մօղիկ էր գալիս, գլխին վայ տալիս, կանչում.

— Թագաւոր, կամ որդիս կենդանացրու կամ արիւնի փոխը տուր:

Աղունիկը շատ լալուց ուժասպառ էր եղել. սրտի կսկծից ձայնը խզուել, թուլացել էր, ոյժ չունէր խնդրելու կամ իրան արգարացնելու: Նրա համար մեծամեծներից շատերը բարեխօսեցին, բայց եղբայրը քարասրբօտած ոչովի խնդիր չէր լսում: Մի ձայնի առում էր.

— Եմ արդարութեան ծառան եմ: Արդարութիւնը պահանջում է մեղաւորին պատժել Այս գէպքում մեղաւորը իմ քույրն է. որովհետև նրա մօտ է գտնուել դանակը: Արդարութիւնից չեմ կարող անցկենալ, յանցաւորը պաի պատժուիլ—այս է վճիռս:

Ամենն էլ լռեցին: Դահլճներից երկուսը կոճըր բերին և սկսեցին գետնի վրայ ամրացնել, որ ձեռները վրէն կտրեն: Դահլճի մինն էլ կացինն էր սրում:

Աղունիկը աչքերը երկինք բարձրացրեց ու սսեց.

Միս, Աստուած, ես ինչ եմ արել, որ ինձ պատժել ես տալիս: Չէ որ Շէն Թագաւորը բարութիւն ու սղորմութիւն տալիս իմ ձեռովն էր բաժանում. մայրս նոյնպէս՝ աղքատ, անանկի իմ ձեռով էր օգնում, որ ես սովորիմ քեզ հաճելի բաները և նրանց ճամբովը գնամ: Նրանց մահից ետ, արտրիչ Աստուած, Քեզ յայտնի է թէ ինչպէս եմ կատարել նրանց պատուէրները, բարի խրատները. Մի՞թէ այս պատուհասն է իմ վարձատրութիւնը: Մի եղբայր ունիմ, Աստուած իմ, նա պաի ինձ՝ անմեղիս պոշտպանի, ինձանից փորձանքները հեռացնի, բայց իմ լացը ու կոծը նրա սրտին չեն ազդում, նա ինձ հա-

մար օտարացել է: Էլ ոչով չունիմ բացի Քեզանից, Աստուած, Քու փէշն եմ բռնել, Դ՛նւ ինձ անօգնական չկորցնես...

Դեռ խօսքը չէր վերջացրել, զահիճները թագաւորի հրամանով մօտեցան Աղունիկին, բռնեցին որ բերեն կոճղի մօտ:

Աղջիկը ծվաց, կապկպած կուներով ուզեց ընդդիմանալ զահիճներին, բայց թագաւորազը լանկարծ գոռաց կատաղած դէմքով.

--Քեզ հրամայում են առանց ընդդիմութեան գնաս, թէ չէ տեսնում ես կացինը, վզիդ կրզնեն:

Այս սպառնալիքի վրայ Աղունիկի կուները բօշացան, երկիւղից սրտի մէջ արիւնը թան դառաւ: Հնազանդուեց անձայն, զահիճները տարան կոճղի մօտ:

Կատաղութիւնից թագաւորագի երեսին գոյն չկար. կացինն ինքը առաւ: Աղունիկի աչքերը կապած էր: Կացինը պսպղաց, երկու փափիկ բազուկները թռչելով ընկան չար հարսի ոտների առաջ:

— Տարէք, հեռացրէք, հրամայեց եղբայրք. ալլևս դրա երեսը չտեսնեմ: Դրան տուն ու օթեան տուողը դառը մահով կրմնունի: Թողէք դաշտերում այնքան թափառի, որ սովամահ լինելով գազանների կեր լինի:

Աղունիկը ուշագնայ էր եղել, երեսին ջուր տալով ետ բերին. զահիճները չթողին, ոչ ոք հետը խօսի, առանց կարգին հագուստի արիւնլուիկ թւերով տարան քաղաքից դուրս:

Ովքեր ճանաչում էին, խղճում էին, ուրբեր չէ, նզովում էին: Իսկ մանուկները քարերով հալածելով քշեցին Աղունիկին շատ հեռու:

Հարսն այս բանից ետը քաշուեց իւր սենեակը: Փափազը կատարուել էր. սկսեց դեի պէս ուրախանալ և ամուսնուց ծածուկ թըռչ կոտալ, պար գալ:

Ե.

Դահիճներից մինը երկար տեղ հետեց Աղունիկին. նա խղճում էր նրան: Երբ էլ ոչ ոք չկար, խնդրեց Աղունիկին որ կանգնի. արիւնը կտրելու համար փոշի ցանեց, ետոյ իւր շորերից մինը պտտատեց, փաթաթեց կուներն ու ինքը դարձաւ տխուր-տրտում:

Աստուած լինի Աղունիկի հետ, վերջին անգամ ետ նայեց այն քաղաքին, ուր ինքը



ծնուել, մեծացել էր: Ծնողները մտաբերելով լաց եղաւ. եղբօրն ու հարսին յիշելով՝ դառնութիւնով երեսը շուռ տուեց: Կտորուած թևերը փէշում փաթաթած առաջ ընթացաւ:

Ինում էր, բայց չէր իմանում ո՛ւր է գնում: Քանի որ ոչոք կար առանց հանգստանալու գնաց, արևը մայր մտնելիս երբ յօգնութիւն զգաց, կանգնեց:

Առջեւը տարածւում էր մի անսահման դաշտ, ինքը մէջը միայնակ: Սիրտն ու աչքերը արտասուքով լցրած դարցաւ երկնքին ու ասեց:

— Արարիչ Աստուած, իսո Քեզ յայտնի է իմ արդարութիւնը: Եթէ մազի չափ մեղաւոր եմ կունրս կտրուելու մէջ, ազաչում եմ, երկնքի՛ կայծակն ինձնից չխնայես: Թող յանկարծամահ լինիմ, երկրի վրայ Քու աչքին չերևամ: Իսկ եթէ արդար եմ, Դո՛ւ ինձ չկորցնես: Ապաւէնս Քեզ եմ գցել, Աստուած այնքան շունչս վրէս պահես, որ ճշմարտութիւնն երևայ, եղբայրս իւր արած սխալը զզջայ և նախանձոտ հարսս իւր արժանի պատիժն ստանայ:

Գիշերը վրայ էր հասնում, Աղունիկն անհագիստ էր. առաջին անգամ էր որ բացօթեայ պտէր գիշերել առանց ծածկոցի, առանց փոռոցի:

Կուներն այնքան էին ցաւում, կսկծում, որ ասն ու մահը մտից ընկել էր: Տեսաւ որ հնար չկայ, թևերը չմրսացնելու համար տաք աւազի մէջ թաղեց մինչև ուտերն ու բերանսիվեր պարկած մտածեց, մտածեց, նղղեց<sup>1)</sup> ու քնեց:

Առաւօտն այն ժամանակ աչքերը բաց արեց, երբ արևն ընկել էր թիկունքին, տաքացնում էր: Վերկացաւ ու թափառելով շարունակեց գնալ: Ազամորդու չէր ուզում երևալ, ամաչում էր: Հէնց որ շնչաւորի գլուխ էր տեսնում, կամ բույսերի ետևն էր թափնում կամ քարերի:

Շատ ու քիչ գնալն Աստուած գիտէ, միայն օրեր ու շաբաթներ անցնելուց ետը թևերի կտրուած տեղերը սկսել էին ծածկուել մտով: Գէտուգէն թափառելուց ետը մօտեցաւ մի շինութեան: Դա ջրաղաց էր, առջևն ընդարձակ բոստան, շրջապատած բարձր ցանկով, ցանկերի տակ մեծ-մեծ ժախուներ<sup>2)</sup> բսած: Աղունիկը մի կերպ մտաւ այդ բոստանը և թաղուն տեղ պատասպարուեց:

Իւր պատասպարանից տեսնում էր ջրաղացպանին և եկող-գնացողին, բայց ինքն ոչսով չէր երևում: Յերեկով տեղից չէր շարժւում արևա-

1) Թուլանալ, քնել. 2) անպէտք բոստան

հատիկի գլուխը գոգը դրած էր, երբ ուզում էր հացի ճօթի պէս տանում էր բերանը, ատամներով պոկում:

Երբ սր մութն ընկնում էր, Աղունիկը պահուած տեղից կամաց-կամաց դուրս էր գալիս, մտնում բոստանը: Մտաներ չունէր, որ ձմերուկը, սեխը բռնէ կարէր կամ կոտրէր, խեղճը ճարահատեալ բերանսիւկեր ընկնում էր ու կրիալի պէս կրծոտում: Երկար ժամանակ այսպէս զգոյշ մտնում էր բոստանը, կրծելով կշտանում և առանց նկատուելու հեռանում իւր պատըսպարանը: Զրադացականը բոստանը լուսով ման գալիս նկատել էր, որ սեխ-ձմերուկը այստեղ այնտեղ կիսով չափ կերած, կրծկուրծած թողած է: Մի քանի գիշեր անքուն պահպանութիւն արեց, որ իմանայ անողը կրիսն է թէ նապաստակ, բայց ոչ սողունի պտտահաց, ոչ անասունի: Ընկաւ մտածմունքի մէջ, չէր իմանում ինչ պատասխան տայ իւր տիրոջը: Տէրը Ձէն Թագաւորի տղէն էր, որ նրա վատ բազդից այդ օր հորս էր եկել ջրադացի մօտ:

Ինաց վախվախելով իմաց արեց.

— Թագաւորազն անլրած կենայ, բն չէս ասիլ, բոստանին այսպէս, այսպէս վնաս է հասնում: Եստ եմ աշխատել անողին բռնեմ, չի յաջողուել: Ձեմ իմանում ինչ բան է, ինչ հան-

գի գազան է, որ ճանկ չի ընկնում:

Թագաւորազը, որ երևելի հորսկան էր, ուշադիր լսելուց ետը պատասխանեց.

— Ի՞նչ միամիտ քու գործին գնա, ջրադացիդ հետևի, հիմի ես կըգնամ, տեսնեմ ո՞նց է ազատում բոստանիս գողը:

Նեա ու աղեղն առաւ, մտաւ բոստանը, յարմար տեղ թագնուեց և աղեղի վրայ նետը սարած պահեց: Մինչև պինդ մթնելը սպասեց, բան չերևաց.

Ասաց. — սպասեմ, կարելի է գիշերը լույս ընկնի, ով որ է:

Սպասեց, մէկ էլ տեսաւ կէս գիշերին մի ազամորդու պատկեր շարժուեց բոստանի ծայրում: Զգոյշ ու կամաց առաջ եկաւ. երբ հասաւ լաւ ձմերուկի մօտ, երեսի վրայ ընկաւ և ազահարբը կրծոտեց: Ձէն Թագաւորազը քիչ համբերելուց ետը դէպի նա ծղրտաց:

— Ե՛հէյ, ով ես, շուտ ձայն հանիր, թէ չէ հագիդ թռաւ:

— Ազամորդի եմ, մեղք արի, եղաւ ծղրտացի պատասխանը:

— Ի՛նչ ազամորդի ես, շուտ ասա, թէ չէ...

— Աղջիկ եմ, անղջիկ, գիշերուայ լուսութեան մէջ լուեց մի բարակ ձայն:

— Ա՛րաջ արի, ի՛նչ աղջիկ ես, խիստ ձայն

նով խոսեց թագաւորազրէ:  
— Չեմ կարող մերկ եմ:

Գաշտում ու ձորում երկար թափառելուց Աղունիկի շորերը զզգգուել, մաշուել էին: Զէն Թագաւորազր աղջկայ վերջին պատասխանի վրայ մեղմացած ետ դարձաւ ջրաղաց, երկար վերարկուէն հանեց, ջրաղացպանին տալով ասեց:

— Գնա՛ շուտով բոստան. այնտեղ մի կինարմատ կայ, այս վերարկուէն տո՛ւր իրան հագնի, առաջնորդի այստեղ:

Ոնց ասաց, այնպէս էլ կատարուեց: Մի քանի ըսպէից ետոյ թագաւորազր իւր Առջև տեսաւ մի սիրուն, աննման աղջիկ կանգնած: Կտուրած թւերը որ տեսաւ, ջանը դող ընկաւ: Եէնք ու շնորքին նայելուց ետը կռնեքը տեսնելով սրտի քիթը մղկացաց:

— Քայրիկ, հարցրից թագաւորազր, դու ո՞վ, այստեղ ո՞վ: Գիշեր ժամանակ քնչ ունիս բոստանում. քնչպէս ես ընկել այս կողմերը:

— Ես մի անտէր, անտիրական աղջիկ եմ:

— Բայց դու ծնող ունեցած կըլինիս. ո՞վ ես:

Ինչու եմ քեզ անբաղդացրել, կարելի է ասես:

Քիչ լռելուց ետը Աղունիկը պատասխանեց.

— Երբոր հետաքրքում ես իմ վիճակով, կ'ասեմ, միայն խնդրում եմ ոչով մեզ չլսի:

Ես Թագաւորազր ջաղացպանին դուրս ուղարկեց: Աղունիկը նստեց իւր գլխի անցուանքը<sup>1)</sup> միանմի պտտմեց: Թագաւորազր զգացուել էր: Գեղեցկու թիւնը դիտելուց ետը երբ լսեց որ կռնատուած աղջիկը Եէն Թագաւորի զաւակն է, դարձաւ գէպի նաւ խորը հառաչելով ասեց.

— Առաքինի աղջիկ, դու չես եկել այստեղ, այլ Աստուած է որ առաջնորդել բերել է իմ կալուածը: Անցածի վրայ մի մտածիլ. դու իմ բողբոջն ես, որ Աստուած հանդիպեցրել է ինձ: Եզուցուանից դու կըլինիս Զէն Թագաւորի հարսը:

Աղունիկը շնորհակալութեան տեղ ստը համբուրեց: Թագաւորազր այդ գիշեր ջրաղացում մնաց ետոյ առաւօտը նրան իւր հետ վերցրած գնաց հօր պալատը և այսպէս խօսեց:

— Հայր իմ, այս գիշեր մեր բոստանի մէջ գտել եմ այս աղջկան. հաւանել կամ պտեմ ուզիլ, քնչ ես ասում:

Ել հօրը չասեց. թէ ո՞վ է կամ ո՞ւմ աղջիկն է: Զէն Թագաւորը աղջկայ կռներին նայելով բարկացաց խոսեց.

— Խելքդ հացի հետ ես կերել ինչ է, աշխարհիս աղջիկները քեզ համար կտրուել են,

<sup>1)</sup> Եղելութիւն, դէպք:

որ այդ կոնատն ես ուզում: Ո՞վ գիտէ ո՞ւմ տնից է խուկած և ինչ վատ գործի համար են ձեռները կարել: Ճամբու դիր գնալ, գլխներիցս հեռանալ:

— Ո՛չ, հայր իմ, ընդդիմացաւ որդին. խօսք եմ տուել-պտեմ պահուելի: Աստրծու կամքին չեմ հակառակիլ, սա Նրա ուղարկած բաղձն է

Հայրը շատ բան ասեց, որդին չլսեց: Հէնց մի ձայնի ասում էր՝ իմ ասածս պտի ընիլ: Հայրը վաղուց իմանալով իւր որդու ներհակ բնաւորութիւնը, անօգուտ համարեց վիճելը.

— Թո՛ղ քու ասածը լինի, որդի, բայց եթէ վերջը փոշմանես, այն ժամանակ ես գործ չունիմ:

— Հո՛ւ, դու գործ մի ունենալ, թող ես փոշմանեմ, ասեց որդին ու ուրախ դուրս եկաւ:

Հարսանիքի պատրաստութիւնը տեսնուած էր և անթիւ բազմութիւն ժողովուած: Հօր և բարեկամների ներկայութեամբ թագաւորազը դարձաւ ազջկան ասեց.

— Դու տեսնում ես, որ հօրս կամքի հակառակ քեզ կին եմ ուզում: Ասա՛ տեսնեմ, ինչո՞վ պտես պարզերես անել ինձ աշխարհիս միջին:

Աղունիկը նեղ տեղն էր, չգիտէր բազմութեան առաջ ինչ ասի, որ սուտ չդուրս գայ:

Ելի յոյսը գցեց Աստրծուն ու կարմրելով խօսեց.

— Ես ոչ փողով կարող եմ պարծենալ, ոչ բաժինքով: Եթէ ուրիշները չասեն, ինքս գիտեմ որ մսի գնդի պէս բան եմ ասանց ձեռների: Բայց դու որ այս բոլորը իմանալով դարձեալ ինձ փառքի ու բաղձաւորութեան ես արժանացում, ես էլ Աստուծու յուսով տարու վերջը քեզ երկու ոսկեքոչոր <sup>1)</sup> տղայ կըտամ:

— Դրանից էլ թանկ ընծայ ո՞րը կըլինի: Ես Աստուած խոստումդ կատարուել, խնդումով պատասխանեց թագաւորազը. երկնքից մինչև գետինք շնորհակալ կըլինիմ քեզանից:

Հարսանիքն եօթը օր, եօթը գիշեր քաշեց: Աղունիկին տեսնողներն՝ ամենն էլ փսոսում էին և ասում. «ճիս, երանի կուները ողջ լինէին»:

## 2

Հարսանիքի օրից դեռ ութ ամիս էր անցկացել, մի բան պատահեց:

Ձէն Թագաւորը քաջասիրտ մարդ էր. ծերութեան միջոցին էլ զարհուր էր ազդում հարևան թագաւորներին: Նա իւր սեպհական

<sup>1)</sup> Ոսկեմողիկ:

աշխարհից գնացողներն էլ ունենալ, որ պապից էր մնացել. մէկից հարստութիւն էր ստանում, միւսից քաջ մարդիկ: Յանկարծ լուր բերին որ պապական աշխարհը ոտնակոխ են անում: Ձէն թագաւորը կրակ կտրած պատրաստութեան եանից կացաւ, որ գնաց յարձակողներին լուսխրատէ. կտրուկ որդին առաջը կտրեց. — Ինչպէս ջահէլին Եւթութիւն չի, որ ծեր հօրը պատերազմ ուղարկէ: Ահա հանգիստ տանը կաց, ես կըգնամ և գիտեմ թէ ինչ՞ որ կըմթնացնեմ գլխներին: Միայն քոնն այն լինի որ Աղունիկին նայես, պահպանես: Նրա ազատուելը օրերը մօտ են: Երբ որ Աստուծով ոսկեքոչոր ւրբաները կըծնուին, խնդրում եմ գրով ինձ իմաց տաս, որ միամիտ լինիմ:

— Լաւ, ասեց Ձէն թագաւորը, միամիտ գնա:

Որդին մնաս բարև ասեց Աղունիկին, քաջ գորկանների գլուխն անած գնած գէպի իւր պապական աշխարհը: Դատարան մայրին յարաւ Քիչ միջոցից ետը Աղունիկն ազատուեց և խոստացած ոսկեքոչոր տղաները բերեց: Թագաւորը խնդաց, ազքատներին պարգևներ բաժանեց, ետոյ նստեց թուղթ գրեց, որ մարդու ձեռով որդուն իմաց անի թէ՛ աչքը լոյս,

որդի, կնիկդ ոնց ասել էր, այնպէս էլ կատարուեց:

Աղունիկին շնորհակալութիւն արեց կերասարը, սրտի ուրախութիւնից ինքն էր ծառայում նրան, իսկ նորածին թոռներին գուրգուրելուց, համբուրելուց չէր դադարում:

Թղթատարը ճամբայ ընկաւ դէպի պապական աշխարհը. երկար ճամբով գնար, ուշ կըհասնէր թագաւորագին. նա ընտրեց կարճ ու դժուար ճամբէն, որ անցնում էր Մէն թագաւորի հողով: Երբ պալատի մօտ հասաւ, թագաւորի ծառան եկաւ թղթատարին ասեց.

— Օտար եղբայր, մեր թագուհին քեզ կանչում է:

Թղթատարը առանց հակառակելու գնաց. էլ չիմացաւ, որ կանչողը Աղունիկին կռնատող հարսն է, որին Աստուծո զատեւ էր արգէն:

Ձաւակին մորթելուց ետը նրան որդի չէր ծնուում, ինչքան էլ սրտով փափագում էր: Տեսնելով որ Աստուծո մօտ սևերես է, իւր խնդիրքը չի դուրս գնում, ճարը գցել էր դեղի. բժիշկ մարդիկ ու գիտական կնանիք դեղ տալուց յոգնել էին. չէր լինում, չէր լինում:

Վերջը ամուսնուն խնդրում էր, որ ուրիշ աշխարհից դեղապետ<sup>1)</sup> բերել տայ. բայց նա էլ իւր կնկայ արարմունքներից զզուել կշտացել էր. միշտ այն էր մտածում, թէ ինչո՞ւ քրօջն այնպէս անգութ կերպով պատժեց:

Ամենից ատուած հարսը սովորութիւն էր արել լուսամուտի առաջ նստել և անցող-դարձողին նայել: Հէնց աչքով օտար մարդ էր ընկնում, իսկոյն կանչել էր տալիս իւր մօտ և հարցուփորձ անում. արդեօք դեղ ուճար չգիտեն ծննդաբերութեան համար: Այդ օրը օտար մարդ չէր նկատել. պարապ նստելուց յոգնել, հէնց ուզում էր լուսամուտի առաջից հեռանալ, թղթատարն աչքովն ընկաւ: Հարսը իւր մէջ ասեց.

— Այս մարդը կարելի է բժիշկ լինի. եթէ բժիշկ չլինի, բժիշկի տեղ կ'իմանայ, կանչեմ հարցնեմ:

Ծառան եկաւ յայտնեց, որ օտարականը դուրսն սպասում է: Հրաման տուեց, որ իւր մօտ հրաւիրեն:

Թղթատարը ներս եկաւ, խոր գլուխ տուեց: Թագուհին իւր դէմուդէմը նստացրեց ու խօսք բաց արեց.

<sup>1)</sup> ճար ու հնար:

— Օտարական եղբայր, ամօթ չլինի հարցնելը. ինչ մարդ ես, ո՞ւր ես գնում:

— Թագուհին սղջ լինի, ես Ձէն թագաւորի մարդն եմ, շատ հարկաւոր գործի համար շտապով նամակ եմ տանում Ձէն Թագաւորագին. նա հիմի իւր պապական աշխարհումն է:

— Կարելի՞ է պատճառն իմանալ շտապով թուղթ տանելուդ: Ես մտադիր եմ քեզ մի քանի օր հիւր պահեմ. շատ հարկաւոր բանի համար հարցումներ ունիմ:

— Եթէ հետաքրքիր ես, ուրախութեամբ կ'ստեմ թէ ինչի եմ շտապում: Կարելի է լսած էլ լինիս, թէ Ձէն Թագաւորագը մնաց էր մի կոնատ աղջիկ գտել զիշեր ժամանակ, բոստանի մէջ: Առանց իմանալու թէ ո՞վ է, ո՞ւմ աղջիկն է, մեր թագաւորագը նրա սիրունութեանը հաւանելով եկաւ հօրն ասեց.

— Հայր իմ թո՞ղ սրա հետ պսակուեմ:

Հայրը շատ ընդդիմացաւ, բայց չկարողացաւ որդուն իւր մտադրութիւնից ետ կացնել: Վերջը յօժարուեց. աղէն էլ պսակուելիս աղջկանն ասեց.

— Քեզ նման արատաւորին կին եմ ուզում, ինչո՞վ պտես ինձ պարզերես անել աշխարհի մէջ:

Աղջիկն ասեց.

— Ես էլ քու լաւութեան փոխարէն երկու ոսկեքոչոր տղայ կըտամ տարու գլխին:

Տարին բոլորուել է. աղջիկը իւր խօսքի համաձայն որդիքը բերել է: Ուրախացած հայրը որդուն աչքալոյս է ուղարկում, որ միամիտ լինի: Պատուիրել են ասանց մի տեղ ոտը լինելու ճամբայ կտրեմ: Ինձ մի ուշացնիլ. թող քանի լոյս է, գնամ օթեան զըտնեմ, ողորմած թագուհի, որ էգուց որցակականչին ճամբայ ընկնեմ դէպի թագաւորագոյ:

— Այ օտարական եղբայր, խորամանկ ժպիտով վրայ բերեց հարսը, այնպիսի ուրախալի համբաւ ասեցիր, որ մէկի փոխարէն հարիւր հիւր կըպահեմ Ձէն Թագաւորի պատուի համար: Թագաւորի թըղթատարին ինչ սոց կըդայ, գնայ գոմում իջեւանի: Աւելի լաւ չի պալատում հանգստանաս, ուր ամեն ինչ պատրաստ է: Վաղն ինչ ժամանակ կ'ուզես, ճամբայ ընկիր, Աստուած քեզ հետ:

— Կեանքդ երկար լինի, ողորմած թագուհի, որ հրամայում ես, կըմնամ: Բայց իմ պարտքը լինի այս քաղցր հիւրասիրութեան մասին Ձէն Թագաւորին յայտնելը:

— Այս քնչ հիւրասիրութիւն է, որ թագաւորին կամ նրա որդուն ասելն աժենայ: Հեռաւոր ճամբորդին օթեան ու կերակուր տալը ամեն մէկի պարտքն է:

— Ե՛յ, ծառաներ, գոչեց հարսը, շուտով այս պատուական հիւրին տարէք կողքի սենեակը, ինչպէս հարկն է, իրիկնահաց տուէք կողէնքների ամենալաւը փռեցէք:

Իսկոյն հրամանը կատարուեց:

Հասաւ գիշերը: Պալատում ամենքն էլ հանգիստ քնած են, միայն մի հոգի է գարթուն. դա չար հարսն էր. զգոյշ կատուի պէս ոտի բթերի վրայ գնում էր թղթատարի սենեակի դռանը ականջ դնում, ետ գալիս: Թղթատարը ստով երկար ճամբայ զաւուց ջարդուել՝ խոր քուն էր մտել: Հարսը վերջին անգամ լսելով որ փշշոցի ձայն է գալիս, իմացաւ որ քաղցր քնի մէջ է. սիրտ արաւ դուռը բաց արեց ու սենեակի մէջ նրա հագուստը քրքրելով զրպանից նամակը հանեց ու շտապով դարձաւ իւր սենեակը:

Նամակի ծալը ետ տուեց, ճրագի տակ կարգաց ու մաղձոտ երեսով խօսեց.

— Ես գիտում էի, թէ դաշտերում գայլերի ու ագուաւների կեր ես դառել, իմ աչքի փուշ. միթէ գեռ կենդանի ես և այն էլ Ձէն

Թագաւորի տանը: Սպասիր, մինչև քու արևը իմ ձեռով չխաւարի, դու ինձ հանգիստ չես տալ:

Նստեց ուրիշ թղթի վրայ այս խօսքերը գրեց:

«Անբաղդ որգեակ»

Ամօթ ու խայտառակութիւն եղաւ իմ անունին: Կոնատ կինդ ազատուեց և երկու լակոտ բերեց: Ինչ անեմ, շուտով մի բան ասա: Պահեմ թէ գետնաթաղ անեմ:

Քու վշտալի հայր Զէն Թագաւոր»:

Առաջուայ նամակի պէս ծալեց ու զգուշութիւնով տարաւ շորի գրպանը գրեց:

Առաւօտը դեռ չլուսացած միամիտ թըղթատարը գարթեց ու իրան արևի սրտով ճամբէն շարունակեց:

Շատ գնաց, թէ քիչ, հասաւ թագաւորազին. բարեկեց, ուրախ-ուրախ նամակը նրան մեկնեց. սպասում էր որ իսկոյն կ'ուրախանայ և թանկագին պարգև կըտայ. բայց զարմացաւ, թէ ինչի տէրը նամակը կողոպտիս ուրախանալու փոխանակ տխրեց չափազանց:

Թղթատարը մնաց անկմանկ եղած<sup>1)</sup>, մտամոլոր: Վախենում էր թէ պատճառը

<sup>1)</sup> Շուարուած:

հարցնի թագաւորազին. սպասում էր առաջ նա խօսի: Բայց թագաւորագը սրտակոտոր և անձայն քաշուեց իւր սենեակը. քիչ լաց եղաւ ու ետոյ թղթին պատասխան գրեց: Թղթատարին առատօրէն վարձատրեց ու պատուիրեց որ շուտ հօրը հասցնի նամակը:

— Շատ բարի կըլինի, ասեց թղթատարը ու նամակը գրպանը դնելով վերագործաւ գէպի Զէն Թագաւորը: Իւր մտքում խօսում էր. «կարճ ճամբով գնամ թէ երկար, կարճ ճամբով գնամ թէ երկար»: Երկար կրկնելուց ետը վճռեց.

— Է՛հ, կարճով գնամ: Ինչ անեմ որ քիչ քարքարուտ է, բաս որ թագուհու մօտ կ'իջնեմ, քողցր գրոյց կ'անեմ, այդ ոչինչ:

Ասեց ու արեց թղթատարը. եկած ճամբով դարձով և ուղղակի չար հարսի տանն իջաւ, որ գիշերը մնայ, էգսը գնայ:

Նենգաւոր հարսը անհամբեր նրան սպասում էր. քողցր ընդունեց, հարցրեց իւր ողջութիւնից, թագաւորի ողջութիւնից. լետոյ իրիկունը իւր ձեռով լաւ ուտացնելով, խմացնելով քնացրեց:

Գիշերուայ կիսին միայն հարսն էր ոտի վրայ. սա զգոյշ մտաւ թղթատարի սենեակը, նամակը գրպանից հանեց, վուազ իւր սենեակը



գնաց. կարգաց ու բարկութիւնից պատուելով,  
նրա տեղ նորը: գրեց այս խօսքերով.

«Հայր իմ.

Այնքան բարկացած եմ որ չեմ կարող  
գրով յայտնել, միայն այսքանը կ'ասեմ. նա-  
մակս իրիկունը հասնի, իրիկունը սպանի մօրն  
ու իւր որդիներանց, առաւօտը հասնի առա-  
ւօտը: Միայն թէ որ գամ գրանց երեսը  
չտեսնեմ:

Քու «քամրաղդ որդի»:

Տարաւ զգոյշ կերպով գրեց թղթատարի  
գրպանը և ինքը քաշուեց քնելու:

Թղթատարը վաղ-վաղ զարթեց և իւր  
աշխարհի ճամբէն բռնեց. հասաւ թագաւորի  
մօտ, նամակը տուեց:

Ձէն թագաւորը ուրախ բաց արեց. բայց  
աչքը գրածին առնելուն պէս մահուան դող  
եկաւ վրէն. երեսը սփրթնեց, աչքերը կայ-  
ծակին տուեց, ձեռով մագերից բռնեց, ու  
ծկլթաց.

— Այս քնչ է գրած, Աստուած իմ: Մի-  
թէ աչքերս լաւ չեն տեսնում:

Աչքերը տրորելով մէկի տեղ երեք ան-  
գամ կարգաց. գարձեալ միւսնոյնն էր: Չիմա-  
ցաւ քնչպէս բացատրէ որդու գրածի միտքը.  
մնաց շուարած կանգնած:

— Ի՛նչպէս հարսիս մօտ գնամ: Քնամ  
էլ քնչ ասեմ. որդուս գրածը ինչպէս ետ  
պատմեմ:

Ամենքին զարհուրեցնող թագաւորը մտքի  
ծովում մոլորուել էր, խեղճացել: Հէնց որ  
միտն էր գալիս թէ որդու գրածը կատարե-  
լով պոռի պարկեշտ հարսիցն ու սիրուն թոռ-  
ներից միանգամից զրկուի, մագերը մարմնի  
վրայ փշաքաղուում էր: Կսկծից քիչ էր մնում  
ծերունին խելքը կորցնի, ճարահատած լաց  
էր լինում ու նրանով սիրտը վէր նստացնում:

Սղունիկը լսել էր որ թղթատարը եկել  
է. զարմանում էր թէ ինչո՞ւ կերսարը չի  
գալիս յայտնում մարդու ուղարկած շնորհա-  
ւորէքը: Սպասաւորների միջոցով իմաց էր ա-  
նում, թէ ւրի ստացած թղթի բովանդակու-  
թիւնն ասա, կերսարը չէր գալիս:

Վերջը երբ հարսը մի քանի անգամ զի-  
մելով կերսարի հոգին ջուր դրեց, նա հարսի  
երեսը դուրս եկաւ գլուխը քաշ արած ու  
մորմոքուած սրտով խօսեց.

— Ա՛յ իմ աչքի լոյս, հայ-հայրա ստի-  
պում ես թէ թղթի միջինն ասա, իսկի ա-  
սուելու բան է, ա՛ քեզ մատաղ գնամ: Ախր  
խղճից դուրս բան է ապսպրել որդիս, ետ

ոնց բերան բերեմ: Թուղթը հորէս, առ, ինքչ կարգա հասկացիր:

Թագաւորը նամակը տուեց, ինքը դուրս գնաց:

Աղունիկը շտապով նամակը բաց անել տուեց, կարգաց ու մնաց լռուած: Նայեց ստորագրութեանը. նորից կարգաց ու չիմացաւ թէ ինչո՞ւ պտէր այդպիսի հրաման ուղարկել իւր մարդը: Խոր մտածմունքի մէջ ընկած նա այնքան իւր վրայ չէր ցաւում, ինչքան անմեղ երեխաների, որոնք զուր պտէին կորչիլ: Բայց նա իւր մարդուն չափագանց սիրում էր, չէր ուզում նրա հրամանը անկատար թողնել: Զէն Թագաւորին կանչել տուեց ու ասեց.

— Այս նամակ գրողը քու փոքրաւորն է, բայց իմ գլխի տէրը: Ուխտս այնպէս է, որ նրան հնազանդեմ ինչպէս իմ մեծաւորի: Աղաչում եմ, նրա հրամանը կատարիր միառմի: Աստուած իմաստուն է, Նա փորձանքներով մեղաւորներին զգուշացնում է և պատիժներով խրատում: Եթէ Աստուծո՞ւ մատը խառը չի լինիլ այս բանում, թող որգիդ իւր անգթութեան համար պարտական մնայ թէ ինձ և թէ այս անմեղ մանուկներին: Խնդրում

եմ, էլ մի ուշացնիլ, կատարիր հրամանը շուտով:

— Քա՛ւ լեցի, պատասխանեց թագաւորը. աւելի շուտ կ'ուզեմ, որ երկինքը գլխիս փուլ գայ և ինձ տակով անի, քան թէ յօժարուիմ ձեռներս անմեղ արիւնի մէջ թաթախել: Ի՞նչ անեմ, որ սիրելի որդիս է գրողը, չեմ կարող նրա անիրաւ վճիռը հլութեամբ լսել ու կատարել: Երկար մտածելուց գլուխս էլ իմը չի. բայց նրա արարմունքից ոչինչ չեմ հասկանում: Ես վճռել եմ այնպիսի բան անել, որ ոչ նրա խօսքը-գետին ընկնի և ոչ դու ու մանուկներդ կեանքից զրկուիք: Թէպէտ իմ ընտրած միջոցն էլ պակաս ցաւ չի պատճառելու, բայց խելօքութիւն է վնասի փոքրն ընդունել, քան մեծը: Վեր կաց, իմ պարկեշտ աղունիկ, վերցրու մանուկներդ, Աստուած կանչի ու զնա՞ ուր ուզում ես: Մարդուդ առաջ պատասխանատուն ես եմ: Թող ինչ ցաւ ուզում է գլխիս գայ, միայն ձեզպէս անմեղների մասը աչքովս չտեսնեմ:

է

Հետեւեալ առաւօտ Զէն Թագաւորը թողնելին համբուրեց, հեկեկալով տեղաւորեց

նրանց խուրջինի մի աչքում, միևս աչքն էլ պաշարով լցրեց և աղունիկի ուսով գցեց:

Խոնարհ հարսը համբուրեց, կերսարի աջը և տխուր-տրտում քաղաքից ոտը դուրս դրեց այն ժամանակ, երբ բոլոր քաղաքացիք հանգիստ քնած էին: Շալակի բեռը քաղցր էր ու թեթև, բայց մտածմունքները դառն էին ու մթին: Աղունիկը ամայի դաշտում կանգ առաւ ու խօսեց.

— Չար բաղդ, էլի նախանձեցիր վիճակիս վրայ, էլի ինձ անտուն, անտէր շինեցիր. մինչև երբ հալածես, անիրաւ: Նպատակդ ինչ է. հողին հաւասարել ինձ՝ Շէն Թագաւորի անմեղ զաւակին: Չէ փափագդ չի կատարուիլ: Երբ հօրս տնից խուկել տուիր, այն ժամանակ էլի կարող էիր յոյս ունենալ որ նեղութիւններով ինձ կըմաշեմ, սրտամեռ կ'անես. այն ժամանակ ես միայնակ էի, անփորձ էի. բայց հիմի որ մայր եմ և երկնքի կամքով երկու անպաշտպան մանուկների պահպան կարգուած, խելքդ ինչ է կտրում, եթէ աշխարհիս զրկանքները, տառապանքները ժողովես, միանգամից զլխիս թափես, իսկի ես կըխոնարհուեմ, իսկի մագաչափ կըվհատուեմ: Չէ, չար բաղդ, ես պտեմ ապրել անմեղ մանուկներին համար:

Այս ասելուց ետը Աղունիկը խելքի կրտած ճամբէն բռնեց ու գնաց:

Պատահեց սար, անցաւ. պատահեց մութ ձոր, անցաւ. մի խօսքով խուրջինն ուսին թափառեց խոր ձորերում, մութ անտառներում անահ անվախ: Շարունակ կանչում էր. «Աստուած, Դու չկորցնես անմեղ մանուկներս» և այսպէս ասելով գնում էր:

Բայց չար բաղդը ձեռը չէր վերցնում նրանից, ամեն անգամ մոլորեցնում էր: Աղունիկի պաշարը վաղուց հատել էր. երկար ժամանակ նա անտառների պտուղներով էր կերակրուում:

Բոլոր ժամանակ Աղունիկի սրտի մխիթարանքը մանուկներն էին. նրանք խուրջինի մի աչքում կանգնած ժպտում էին մօր երեսին և անտառի, թէ ձորի մթին տեղերում անմեղ հարցեր տալիս, Աղունիկին մտքի ծովից, երկիւղի ձեռից ազատում: Արդէն սկսել էին թոթովել, կլպտալ մանուկները:

Մի անգամ Աղունիկը մանուկների հետ գրուցով էր ընկել, չէր իմացել որ անտառի մէջ մոլորուել է: Յանկարծ գնաց, և մի գետի հանդիպեց: Դէսուդէն շատ նայեց, կամուրջ չկար, անցնէր, ազամորզի չկար, օգնէր: Յետ դառնալ անկարելի էր, վախենում էր

անտառի թանձր տեղը մոլորուած մնայ:

Ինչ անէր, անտառը խշշուծ էր, գետը վշշում: Վճռեց Աստուծու անունը տալ և անցկենալ: Սիրտ արաւ, մտաւ ջուրը: Գետը մեծ չէր, բայց զժժոն<sup>1)</sup> էր. յատակը մեծ-մեծ քարերով լիքը, Մէջտեղը չհասած, ոտը սըլկըհած, խուրջինն ուսից թեքուեց ջուրը. կոները մեկնեց որ բռնի, ձեւները չօգնեցին: Մինչև վեր կրկենար, գետը մանուկներին խուրջինով սկեց<sup>2)</sup> տարաւ: Աղունիկի մէջքը, հէնց իմանաս, կոտրուեց, ջրի մէջ մնաց երեսանց ետնից լալիս:

Կոտրած սրտով դուրս եկաւ ծովի ափը, ընկաւ երեսի վրայ, կսկծաց. մղկտաց ու հետն էլ սկսեց կոները քարերին, փայտերին խփել, թէ ինչո՞ւ թող արին, որ ջուրը իւր երեսանց տանի: Խեղճը չէր տեսնում որ արիւնոտուել են: Աչքերն արտասուքի ծով էին դարձել:

Երկար ժամանակ այսպէս անմխիթար լալիս էր, երկու ծիտ թրթռալէ մօտեցան նրան, թեւերը երեսին քսելով ուշքի բերին: Նրանցից մէկն ստեց.

— Աղունիկ, լաց մի լինիլ, մի աչքալոյս եմ տալու:

— Ինչ աչքալոյս, ծիտիկ ջան, աչքերը

<sup>1)</sup> Սրբնթաց. <sup>2)</sup> քշեց:

գզգզուած փէշով սրբելով խօսեց Աղունիկը:

— Բոււտկան էր, ինչքան ցաւեր քաշեցիր: Որդկերանցդ համար մի տխրիլ, նրանք կորած չեն:

— Հապա քնչ են, որ կորած չեն, վրաբերեց Աղունիկը սրտակոտոր:

— Նրանք ողջ և անվնաս են: Ջուրը տարել է և մի կոճղի մօտ օտն արել:

Աղունիկն ուրախացաւ: Միւս ծիտն էլ ասեց.

— Աղունիկ, մենակ այդ չէ, ես էլ պտեմ աչքալոյս տալ: Տխուր օրերիդ վերջն է, քիչ էլ համբերիր, ամեն ինչ կըստանաս: Էլ անտուն, անտէր չես թափառիլ: Այս ճամբով դու կըհասնես մի ջրվէժի. նրա կըշտից մի կածան<sup>1)</sup> է ջուկոււմ դէպի աջ. այդ կածանը կըբռնես ու կըզնաս: Վերջը կըպատահի մի շինութիւն, նրա մէջը կըբնակուես:

— Ինչո՞վ պտեմ ապրել, սիրուն ծտիկ. ո՞վ ապրուստ կըտայ, ոչ պատրաստի փող ունիմ և ոչ աշխատելու կոներ:

— Աղունիկ, դու միամխտ կաց, Աստուած կըհասցնի. մինչև շէնքին հասնելն ապրուստի միջոց կըստանաս:

Այս ասելով ծտերը թռան: Աղունիկը

<sup>1)</sup> Նեղ շափղ:

անհամբեր սրտով գետն ի վեր գնաց և քնչ տեսաւ: Խուրջինը մի կոճղի գէմ առած, ջուրը կողքով տալիս է և անվնաս անցնում: Մանուկները հէնց որ իրանց մօրը տեսան. «մայրիկ, մայրիկ» կանչեցին և խուրջինի աչքերում ժաժ ու մաժ<sup>1)</sup> եկան: Լացակունած Աղունիկը վագելով ջուրը մտաւ երեխանց հանեց, պաչպչեց, Տէրին փառք տուեց: Մի կերպ մզեց<sup>2)</sup> խուրջինը, երեխանց շորերը, քիչ ցամաքացրեց ու նորից շալակելով իւր ճամբէն շարունակեց:

Մանուկները բնութեան մէջ մեծանալով սկսել էին որ առաջ ոտնաոտել: Ով գիւղում, քաղաքում տարով կըմեծանար, նրանք բաց երկնքի տակ օրով էին մեծանում: Այնքան ժրուել և փարթամացել էին, որ չէին ուզում խուրջին մանել և մօրը ծանրութիւն տալ: Իրար հետ կռնարունակ արած Աղունիկի աւջակից գնում էին:

Շատ գնացին թէ քիչ, Աստուած գիտէ, վերջապէս հասան ծիտիկների տաճ ջրվէժին: Այստեղ հանգիստ առան: Սիրուն տեղ էր. սր կողմը նայում էր Աղունիկը, այնպէս գեղեցիկ էր, ոնց որ երկնային զրախտ: Զրվէժը

1) Շարժուել. 2) քամեց.

խօ այնքան դժբեկան էր, որ նրան նայելիս Աղունիկը բոլոր ցուերը մոռանում էր:

Սարի լանջերից ազբերները իրար գրկած գլորուելով գալիս էին բարձրից ուժով ժայռի վայ ընկնում. ջրի թափից ժայռի մէջ փոս էր դառել: Այդ փոսից ջուրը ծառի նման բարձրանում էր ու արևի տակ կանաչ-կարմիր ներկուելով ճօճուճճ՝ թափուում էր ներքևի աստուածաշէն քարէ աւազանի մէջ:

Երկար ճամբայ դալուց, ծառերի ու քարերի միջով թափառելուց կեղտոտուել ու մաշուել էին Աղունիկի և մանուկների շորերը: Ամօթ էր քաշում այդ անկարգ հագուստով մարդամէջ մտնելը: Ուզեց թէ իրան և թէ որդկերանց շորերը լուսնալ, ետոյ ինչքան հնար է կարկատել պատուաւած տեղերը:

Եղանակը հիանալի էր. մօջ պատուէրով երեխաները շորերը հանեցին և գնացին խաղալու: Աղունիկը՝ կակղելու համար շորերն ածել էր աւազանի փրփրուն ջրի մէջ: Քիչ միջոցից ետք կռները մեկնեց որ շօ երը հաղաղի, լուանայ, չկարողացաւ, մատներ չունէր:

Արտասուքն աչքերը կոխած դարձաւ գէպի երկինք և այսպէս աղաչանք արաւ.

— Ողորմած Աստուած, Գու լաւ գիտես իմ արգար ու մեղաւոր լինելը. չեմ համար-

ձակուժմ տրտնջալու իմ գլխին եկած պատիժների համար. պատրաստ եմ աւելի շատին համբերելու: Բայց անարիչ Աստուած, ինչ կըլինի մեզաւորիս համար անմեղներին չպատժես: Աղաչում եմ, բաւական համարիր այս մանուկների քաշած զրկանքները, մեղք են, ողորմո՛ւ սրանց: Երկար ժամանակ է, սրանց ոչ շորերն է լուացուել, ոչ գլուխները մաքրուել: Գիտեմ որ անարժան եմ Քու մեծ ողորմութեանը. բայց քիչն էլ է մի խնայիլ ինձ այս անմեղ մանուկների համար: Տէր իմ և Արարիչ, աչքս չեն գալիս ո՛չ հայրական գանձերը, ո՛չ ամուսնական փառքը, միայն կունես ողջացրու, կունես...

Այս ջերմ աղաչանքն էր անում Աղունիկը Աստրճուն, աչքերը ներքև գցեց և ինչ տեսաւ. կուները ողջացած, կտրած ձեռները իրանց տեղն եկած: Արայ ընկաւ պաշտօնացեց ողջացած ձեռները, հազար բերան փառք տուեց Աստրճուն: Ուրախ-ուրախ մօտեցաւ աւագանին, լուացաւ իւր և մանուկների շորերը, արևի տակ փռելուց ետը քաշուեց մի շուաք, ծառի տերևակալած ճիւղերից պառկելու փափուկ տեղ շինեց, որ քիչ հանգրստանայ ու տխուր մտածմունքները իրանից

հեռացնի: Անցկացած բաները լիջելու վրայ էր, որ քունը նրան իւր ծոցն առաւ:

Մանուկները խաղալու ժամանակ պրպրկան բաներ էին գտել, ու լախացած վազելով եկան մօր կուշտը.

— Մայրիկ, մայրիկ. զիզի<sup>1)</sup> ենք գտել տես ինչ լաւ է:

Նրանց ճիճվոցից Աղունիկը թարթաշ եղաւ, քունը փախցնելով մանուկներին ծնկների վրայ նստացրեց. գտած բաները անդգնելով տեսաւ որ փայլուն ոսկիներ են: Ուրախացած երեխաների ետևից գնաց, ինչ տեսաւ. գետնում թաղած մի պղինձ՝ ոսկով լի:

Աղունիկը նորից փառք տուեց Տէրին. խուրճինը բերեց բոլոր ոսկիքը ամեց մէջը: Նստեց լուացած շորերը մի կերպ կարկատեց. մանուկների գլուխները լուացաւ ջրվէժի պարզ ջրում ու ծտերի ցոյց տուած կաճանով գնաց:

Երեխաները խաղալով, խնդալով գնում էին մօր առջևից, Աղունիկը նրանց համար ծառի ճիւղերից նետ ու աղեղ էր շինել:

Գնալ վ հասան մի տան: Տան առաջը պարտէզ, պարտէզի մէջ սօսի ծառ ոսկեգօծ տերևներով. մօտը մի մեծ աւագան, ուր աղբիւրի ջուրը թափուում էր բլբլայէ երկու

<sup>1)</sup> Փայուն իր:

ունկներով: Տան մէջ ամեն բան պատրաստ, բայց մէջը բնակուող չկար: Աւագանի չորսուբորը նստարաններ կային. ճամբից յօգնածները գալիս էին նստում, աւագանի ջրով փոշուց մաքրուում, սօսու թանձր շուաքում էլ հովանում:

— Աղունիկը հէնց որ տունը տեսաւ, ասեց.

— Այս յարմար տեղ է. ոնց երևում է, անթիւ մարգիկ են անցուղարձ անում այս տան կշտով: Սօսու ոսկեղօժ տերևները շատ ճամբորդների ագահութիւնը աշկարայ կ'անի:

Շատ կարելի է, վաղ թէ ուշ այստեղով անցկենան եղբայրս, ամուսինս: Կընստեմ այստեղ և կըսպասեմ: Կուներս առողջացնող ամենաբարի Աստուածը ծտերին առանց նպատակի չէր ուղարկել ինձ մօտ: Նրանք ասին որ տխուր օրերիս վերջն է. նրանք ասին որ ապրուստ եմ գտնելու, նոյնպէս նրանք ցոյց տուին այս կածանը: Եւ բոլորը ճիշտ կատարուեց: Սրանից ետը յոյսս Ասարծու վրայ կըզնեմ, նա իւր պահած գառը գալլին չի տալ:

Մտաւ պարտէզ, այնտեղից էլ բարձրացաւ տունը, տեղաւորուեց իւր մանուկների հետ: Ապրուստի համար փողն առատ էր. աւագա-

նի մօտ շատ ճամբորդներ էին հանգստանում, նրանցից էլ ծառայ, ագախին վարձեց ու իրան համար ապահով բնակուեց անվախ աներկիւղ:

Աղունիկին այստեղ թողնենք, որ իւր որդիերանցով մխիթարուի, մենք զնանք Զէն թագաւորագի հայր հարցնենք:

## Ը

Զէն թագաւորագը թղթատարի ձեռով նամակն ուղարկելուց ետը երկուր չքաշեց ախուր մտածմունքներով ամօթահար վերկացաւ, եկաւ, հայրական աշխարհը: Առաջ պալատում դէսուդէն աչք ածեց որ կնիանը տեսնի և ասի. «ախր ինչո՞ւ ինձ ամօթով թողիր աշխարհիս մէջ»: Կնիկը չերևաց: Թագաւորագը գլուխը քաշ արած և աւելի սրտակոտոր եղած դարձաւ հօրը հարցրեց.

— Հայր իմ, ո՞ւր է կինս, ո՞ւր են նրա ծնունդները:

Հայրը թէ՛

— Ի՞նչ ես անում, որդի:

— Ո՞նց թէ ինչ եմ անում, հօսպա կընկանս համար չհարցնեմ թէ ո՞ւր է:

— Ախր ինչու ես հարցնում, ինչն է ստիպում քեզ:

— Ո՞նց թէ ինչո՞ւ եմ հարցնում, զարմացած ու վշտացած խօսեց Զէն Թագաւորազը:

— Ի հարկէ հարկաւոր չէ հարցնելը, քանի որ գրել էիր թէ՛ նամակս իրիկունը կը հասնի, իրիկունը սպանի մօրն ու ծնունդներին, առաւօտը հասնի, առաւօտը: Ես էլ գրածդ ահամայ կատարեցի:

— Ի՞նչ ես պատմում, հայր իմ, լոցախառն ճչաց Զէն Թագաւորազը. ես երբ եմ գրել թէ կնկանս սպանիր: Ի՞նչ գրել էիր ինձ, որ կինս ազատուեց, այս ու այս բերեց: Հարցնում էիր ինձ՝ ինչ անեմ: Ես էլ պատասխանեցի որ Ասարծու տուածի դէմ գլխփոփոցը չեմ, ինչ եղել է, Իրան կամքն է, պահիր անվնաս մինչև տուն հասնելու:

— Ո՞վ է քեզ այդպէս բան գրել, որդի, զարհուրած խօսեց Զէն Թագաւորը: Ես լիմարուել էի, թէ ձին գլխիս քացի էր տուել, որ այդպէս բան գրէի: Ընդհակառակը՝ թըղթով աչքալույս էի ուղարկել քեզ, որ կնիկդ ազատուել է և երկու ոսկեքոչոր տղայ է բերել: Յանկարծ պատասխան եմ ստանում, թէ կնկանս ու որդիերանցս մարթոտիր: Եստ էլ

կամեցա՛յ ուշադրութիւն չդարձնեմ զրածիդ, միայն կինդ, հաւատարիմ կինդ թուղթը կարգալով առաջ տխրեց, ետոյ մի անպիսի հնազանդութիւն ցոյց տուեց, որ ինձ զարմացրեց: Նա էր ինձ ստիպում որ շուտ կատարում տամ զրածիդ: Եւ այդ անում էր, որ ցոյց տայ, թէ որչափ է սիրում քեզ և մինչև ինչ տեղը կարող է խոնարհիլ քո պատճառով:— Ախր, իմ աննման Աղունիկ, որքան պարկեշտ էիր, վշտահար կերպով կուրծքը ծեծեց Զէն Թագաւորը. քու նմանը ուր գտնեմ. ինչու չար բողբոջ խլեց ձեռիցս: Աստղի պէս լուսաւորում էիր խաւարած ծերիս, ինձ մխիթարելու և վերջին օրերս քաղցրացնելու համար էր ուղարկել քեզ Աստուած. ինչու շուտ ետ խլեց Իւր ողորմութիւնը...

— Վերջն ինչ արիր, հայր իմ, անհամբեր սրտով հարցրեց որդին:

— Ի՞նչ պատէի անիլ. զրածդ կատարելու համար իմ ձեռով իմ աչքը հանեցի:

— Ի՞նչ ես ասում, հայր իմ, լոց եղաւ որդին. հապա Աղունիկը արածիդ հակառակ չէր:

— Ընդհակառակը, իւր անձի մեծ թշնամին նա էր. քանի անգամ մանուկները զրկած բերել է առաջս, խնդրել, աղաչել որ զրածդ կատարեմ:



— Ետոյ թնչ արիր, կատարեցիր...

— Սպասիր, որդի, ասեմ: Մի քանի օր բերանս առանց մանանայ գնելու մի գլուխ լաց էի լինում: Փախչում էի որ Աղունիկին չպատահեմ. վերջին օրերը այլևս արտասուք չէր երևում նրա աչքերին. տեսնում էի որ մտքում վճռել է մեռնել: Ամեն անգամ վճիռդ մտաբերելով՝ երբ Աղունիկին ու մանուկներին տեսնում էի, սիրտս լքլքում էր, ձեռներս գողգողում...

— Աերջապէս թնչ արիր, կարճ ասա. անողորմ գանուեցիր, դառնացած հարցրեց որդին:

— Այն, որդի, այնքան անողորմ գրանուեցի, որ մեռցրի խիղճս քու պատճառով. թէպէտ գրածդ ճշտութեամբ չկատարեցի, բայց ստիպեցի կնօջդ, որ մանուկներն առնի ու պալատից հեռանալ:

— Ահ, հայր իմ, գոչեց Թագաւորազը և փաթաթուեց հօր վզովը, որքան շնորհակալ եմ, որ գութ ես ունեցել անմեղ մանուկներին վրայ: Տուր ինձ ձեռք համբուրեմ: Օրհնիր ճամբէս, ես գնում եմ այնտեղ, ուր գնացել է աղունիկը իւր մանուկներով: Եթէ կենդան գտայ նրանց, կրբերեմ ու ես էլ կրգառնամ, եթէ չէ, մնաս բարով:

Թագաւորական շորերը թողած հօրսկանի շոր հագաւ, նետ ու աղեղը ճիտը<sup>1)</sup> գցեց, Աստրծու անունը տալով կորած Աղունիկի ետնից գնաց: Աչքը չէին գալիս ոչ շոգը, ոչ անձրևը և ոչ ճամբի դժուարութիւնը: Պարկը ուսին հօրս անելով և ճամբայ կտրելով հասաւ մի վերու-վերու անտառ, տեսաւ այնտեղ մի մարդ:

— Այ եղբայր, ո՞վ ես, թնչ մարդ ես, հարցրեց Զէն Թագաւորազը:

— Հօրսկան եմ, պատասխանեց նա:

— Բն ես էլ հօրսկան եմ: Արի նստիր կողքիս, քեզ իմ սրտի ցաւը պատմեմ. թէ իմ վիճակը քու սիրտը շորժի, ընկերացիր ինձ գնանք միասին:

— Լաւ, պատմիր, անձանօթ եղբայր տեսնենք ինչ է քու դարդը:

— Զէն թագաւորազը գտակը գետնին գրեց ու մանրամասը պատմեց իւր գլխի անցուածքը: Միւս հօրսկանը գլուխը քաշ լսում էր ու երբեմն կարմրատակում էր, երբեմն գոյնը թռցնում:

Սա Շէն թագաւորազն էր:

Աղունիկին կանատելուց ետը շատ չէր անցել, իւր արածի վրայ գղջացել էր: Շատ

<sup>1)</sup> Վիգ:

էր մեղադրել իրան, ետնից չէր հասել: Խղճի ձեռից տանջուելիս ոչ գիշերն է հանգիստ ունեցել, ոչ ցերեկը: Եռաշուտ թագուհի մայրը երևացել է երագում և նրա վրայ վշտացել: Կինը զաւակից կտրուել էր և գէշ-գէշ արարմունքներով անտանելի դառել Եէն թագաւորագին: Աւելի լաւ էր համարում սև օձ տեսնել, քան թէ իւր կնոջը նրանից բաժանուելը անկարելի էր. միակ մխիթարութիւնը գտնում էր որսորդութեան մէջ:

Կնկայ երեսը ուշ տեսնելու համար շաբաթներով հորսը սլառճառ արած անտառնէ ձոր չափչփում էր: Հիմի էլ կնկայ ձեռից էր փախել անտառ, որ անսպասելի կերպով սլառահեց Զէն թագաւորագին: Իմացաւ որ իւր կանառուած քոյրը ոչ թէ կենդան է մնացել, այլ և թագաւորի հարս է դառել, երկու որդի ունեցել. դրա վրայ շատ ուրախացաւ, որովհետեւ իւր արածի վրայ վաղուց փոշմանել էր: Բայց որ վերջը լսեց թէ նորից դժբաղդութիւն է եկել բրոջ գլխին, սրտում շատ ցաւեց ու առանց իւր ուղիները յայտնելու դարձաւ Զէն թագաւորագին ասեց.

— Թագաւորագ տէր, ցաւը մարգիկ պտեն քաշիլ, ոչ սարերը: Քոջ կաց: Գու

թագաւորի ցեղ ես, քեզ աստիճանով հասարուել չեմ կարող. բայց իբրև հորսկան ընկերդ կըլինիմ: Թագաւորագին միշտ մի ծառայ հարկաւոր է, ընդունիր ինձ ծառայի տեղ: Քու դարդը սիրաս տակն ու վրայ է արել. գնանք ուր որ կ'ուզես, թէկուզ մինչև աշխարհի տուտը:

— Ենորհակալ եմ, հորսկան եղբայր, որ ընկերանում ես. հիմի կարծում եմ թէ ցաւ կ'իսուեց, որովհետեւ սիրաս թեթեւացաւ:

Իրար ձեռ տուին ու ճամբայ ընկան:

Շատ քաղաք, շատ գեղ անցկացան, ամեն տեղ էլ հարցրին.

— Այս կողմերը կանատ կնիկ չէք տեսել, հետն էլ երկու մանուկ:

Ամեն տեղ էլ սլառասխանում էին:

— Չէ, չենք տեսել:

Վերջապէս անտառով անցնելիս մի փայտահատ տեսան, սրան էլ հարցրին. Սա ասեց.

— Քիտեմ որ հորսկանները փայտահատից շնորհակալ չեն աշխարհի այն գլխից մինչև այսօր, որովհետեւ կացնի թխկոցից կխտարն ու բախրան գլուխ են առնում, կորչում: Բայց անց երևում է դուք ինձանից անդո՛՛՛՛ չլսէք զնայ: Այստեղից բաւական հեռու մի տան երկու ոսկեքոչոր երեխաներ

տեսնում ու լսում էր: Սիրտը լցուել, արտասուքն առուի պէս եկել աչքերը ողողել էր:

Մէկ ուղում էր իջնի երեխանց պատճառով ներքև և ծանօթութիւն տալ ճամբորդներին, մէկ էլ վճիռը քանդում էր, որ տեսնի թէ վերջը ինչ է լինելու, նրանք ճանաչում են թէ չէ: Աղունիկը երեխաներին կանչելու համար մօտեցաւ պատշգամբին: Հորսկանների աչքովն ընկաւ մի աննման, սիրուն հարս. երկուսին էլ դուր եկաւ:

Ձէն Թագաւորազը առանց աչքը հեռացնելու ընկերին թևով բրթեց կամաց ու ասեց.

— Այս հարսն ինչքան նման է իմ կնկանը, ասես թէ մի խնձոր կէս արած: Իսկ և իսկ նա է, ընկեր ջան, մանաւանդ որ որդիքն էլ ոսկեքսոյր են: Բայց սիրտս կտարւում է նրանով, որ կռները ողջ են:

Շէն Թագաւորազը խկոյն պտտասխան չտուեց. նա այդ բոսկէին մտքի ծովում չարչարւում էր ու չէր կարողանում իմանալ, թէ ով է այդ հարսը, որ իւր քրոջ նման է: «Թէ իմ քոյրն է, բն ինչու ձեռներ ունի, չէ որ քրոջս ձեռները ես ինքս եմ կտրել»: Վախնալով որ ինքը ծանգով<sup>1)</sup> ընկած լինի, մնաց լուռ, հարսի վրայ նայելիս:

<sup>1)</sup> Թարուել, վեր թռչել:

Երկու հորսկաններն էլ իրանց մէջ ջուրի համոզուեցին, որ սխալուել են. ոչ մէկի կինն է և ոչ միւսի քոյրը: Մինչև անգամ ամօթ քաշեցին հարսին հարցնելու, թէ ով ես ինչ կնիկ ես:

Վերջապէս Շէն Թագաւորազը տխուր կերպով անդից վերկացաւ, ասեց.

— Թագաւորազ տէր, յոյսներս զուր էր: Երկար մնալուց օգուտ չկայ, վեր կաց ճամբաներս շարունակենք, տեսնենք ուր ենք գտնում մեր կորուստը:

Ձէն Թագաւորազը ոչինչ չէր լսում ընկերի ասածին. նրա ուշքն ու միտքը ոսկեքոչոր մանուկների վրայ էր, նրանց պատճառով չէր ուղում սօսու տակից հեռանալ: Մանուկները նապաստակի տոտիկներն ու գլուխները վերցրած խաղում էին:

— Հայրիկ, մօտեցաւ երեխաներից մէկը Ձէն Թագաւորազին, միւս անգամ որ գաս, ինձ համար փոքրիկ նապաստակ կրբերե՞ս:

Միւսն էլ Շէն Թագաւորազի առաջը վազելով ասեց.

— Քեռի ջան, դու էլ որ գաս, ինձ համար նաշխուսն ծիտիկ կրբերե՞ս:

— Վրբերենք, բնիկներ, կրբերենք, ձեռքները նրանց գլխներին քսելով պտտաս-

խանեցին հորսկաններն ու սրտակոտոր ճամբայ ընկան.

Այդ տան մօտից մի քիչ հեռանալուց յետոյ երկուսը միասին հառաչեցին.

— Ախ, ինչ կըլինէր այդ հարսը կըռնատ լինէր, մեզ գուր տեղը սար ու ձոր չգտէր:

Ձէն Թագաւորագն աւելացրեց համարեալ լալով.

— Ի՞նչքան նման էր իմ կնկանը. ո՞ր էր թէ ձեռները չլինէին:

Միւս ընկերն էլ ասեց.

— Եթէ Շէն թագաւորագը այտեղ լինէր ու այդ հարսին տեսնէր, նոյնպէս չէր հաւատալ, որ դա իւր քոյրն է, որովհետեւ կռները նա ինքն է կտրել: Վշտանալ մի, Աստուած ողորմած է. վաղուշ կըպատահեցնի, ում որ ուզու՞մ ե՞նք:

Այսպէս խօսելով հորսկանները ճամբէն շարունակեցին տխուր, դուռնները կախ:

Իսկ ջրատար Աղունիկը պատշգամբի վրայ այնպէս էր լուզուել ու լցուել, որ լաց լինելու համար մի մագ էր մնում: Հորսկանները գնալիս Աղունիկը աչքերով նրանց հետևում էր ու քիչ էր մնում սիրտը հալ գնայ: Մէկ ուղեց ետևներից ծվայ, կանգնեցնի. թէ՛ ախր

ո՞ր էք գնում, քարասիրտներ. ինչո՞ւ էք ինձ այս ամալի տեղը մենակ թողում, չէ՞ որ մէկիդ քոյրն եմ, միւսիդ ամուսինը: Բայց ներսից մի ձայն նրան ասաց. «Աղունիկ, բերանիդ հնալ տուր. շատը համբերել ես, քիչն էլ համբերիր»:

Ուղիղ է, այդ ձայնին լսեց Աղունիկը, չծվաց, բայց սրտին ընդդիմանալ անկարող եղաւ. հէնց երեխաները մօտն եկան թէ չէ, պատուիրեց, որ վազ տան, ճամբորդներին յետ կանչեն:

Մանուկներն իսկոյն ծլկեցին ու յետևներից ճվճվացին.

— Քեռի, հայրիկ, կանգնեցէք, բան ենք ասում:

Հորսկանները կանգ առան: Մանուկները հեռավոր, թանջին տալով մօտեցան և փեշներից բռնեցին.

— Քեռի, մայրիկս քեզ կանչում է, ասեց մինը.

— Հայրիկ, մայրիկս քեզ էլ է կանչում, վրայ բերեց միւսը:

Թագաւորագները զարմացան, անգ-մանգ եղան, թէ հարսն ինչո՞ւ պէտք է իրանց կանչի: Ի՞նչքան էլ նախշուն երեխաներին հարցեր տուին, պատճառը չիմացան, դրա համար

հետեցին նրանց ու հասան աւագանի մօտ։  
Գեղեցիկ հարսը, որ վերևը կանգնած էր,  
այսպէս խօսեց.

— Դուք անվնաս մարդիկ էք երևում.  
օրը մթնելու վրայ է, այսպէսուշ ուր էք գնում.  
գնալներդ զուր է, գիշերը դաշտում կըմնաք.  
եղանակը շատ էլ լաւ չէ։ Երեխաներիս որով  
հետեւ դուր էք եկել, ես աւաջարկում եմ  
որ հիւր մնաք, օթեանելու տեղ ունինք։  
Առաւօտը Աստուած կըկանչէք և ձեր ճամ-  
բէն կըշարունակէք։ Ինչ էք ասում, յօժար  
էք թէ չէ։

— Բարի խորհրդին ո՞վ չի յօժար լինել.  
Աստուած որդիքդ պահի, շատ շնորհակալ էլ  
կըլինինք, պատասխանեցին հորսկանները և  
գնացին իրանց համար պատրաստած օթեա-  
նում հանգստանալու։

Իրիկունը որ հասաւ, Աղունիկը նրանց  
համար լաւ սեղան պատրաստեց, լաւ հարկեց,  
պատուեց և փափուկ անկողիններում քնա-  
ցնել տուեց։ Ինքը նրանց երեսը չէր գնում,  
ծառաններն էին սպասաւորում։

Մինչև ուշ գիշեր երեխաները հիւրերի  
մօտից մօր կուշտը չեկան. նրանց ծնկները  
վրայ նստած քաղցր-մաղցր խօսում, ծիծաղե-  
լու պատճառ էին տալիս։ Քնելահանգումին

Աղունիկը երեխաներին կանչեց ու սիրով  
հարցրեց.

— Նախշուն բալիկներս, ինչ ասիք,  
երբ հիւրերին կանչելու գնացիք։

— Մայրիկ ջան, ես «քեօի» կանչեցի-  
Նրբ կանգնեց, հասալ ու փէշից բռնեցի։

— Ես էլ, մայրիկ ջան, «հայրիկ» կան-  
չեցի, վրայ բերեց միւսը. խօ վատ չեմ արել։

— Եսա լաւ ես արել, որդի։ Հապա, քու  
հայրիկն էլ զրա պէս մարդ է, շուտով պէտք  
է գալ և քեզ իւր ծնկները վրայ նստացնէ։

Համբուրեց Աղունիկը երեխաներին և  
ասեց.

— Լսեցէք, ինչ եմ ասում երկուսիդ էլ։  
Հիւրերը քնած են. գնացէք ինձ մօտ բերէք  
այն հիւրի պարկը, որին «քեօի» էք ասում։  
Եթէ ասածս անխալ կատարէք, էգուց ձեւ  
մի-մի նախշուն ծիտ կըտամ։

Երեխաները զգուշ գնացին և բերին  
պարկը։

Աղունիկը նրա մէջ երկու ընտիր խնձոր  
դրեց և տաս հատ սկեզօժ տերև։ Բերանը  
ամուր կապելով երեխաներին ասեց.

— Քեռու համար ճամբի պաշար դրի-  
տարէք էլի այնտեղ, որտեղից վերցրել էիք։

Երեխաները տարան։ Այս բոլորից Եէն

Թագաւորազը ոչինչ չիմացաւ, որովհետեւ անուշ քնի մէջ փռացնում էր:

Լոյս ու մութը դեռ չբացուած հորսկանները զարթեցին. կարծելով թէ հարսը քնած կըլինի, չուզեցին անհանգստացնել. ծառային շնորհակալութիւն լալտեցին, թողին օթեանը և պարկերն ուսներին շարունակեցին իրանց ճամբէն:

Բաւական գնալուց ետը Շէն Թագաւորազը կանգ առաւ և ընկերին դիմելով ասեց.

— Ո՛րքան սիրուն, խելօք մանուկներին: Նրանց մէկը քեզ «հայրիկ» էր կանչում. թէ քու կինը այդքան գեղեցիկ լինէր, դու աշխարհիս ամենաերջանիկ ամուսինը կըհամարուէիր:

— Այդ ուղիղ ես ասում, ընկեր, վրայ բերեց Ձէն թագաւորազը. բայց չէ որ մանուկներից մինն էլ քեզ «քեռի» էր անուանում: Եթէ այդ հարսի պէս քոյր ունենայիր, մանուկների պէս էլ քեռորդիք, ո՞վ ասես որ քեզ չնախանձէր:

Այսպէս խօսելով հորսկանները փոքրիկ

առուն նոր էին անցնում, որ դէպի անտառը կեռման տան, նկատեցին որ հարսի ծառան մի մահակ ձեռին ետևներից վազում է, և ձայն տալիս.

— Կացէք, մի գնաք, մեր հարսը կանչում է:

— Ի՞նչ է ուզում, պատասխանեցին հորսկանները. կարելի է նախաճաշ տալու համար է: Յետ դառ, տաս՛ շատ շնորհակալ ենք, ճամբաներս շատ հեռու է, պտենք գնալ:

— Ո՛չ, ո՛չ, շատ հարկաւոր խօսք ունի ասելու, անպատճառ պէք լետ դառնալ, թէ չէ ուժով կըտանեմ ձեզ, այսպէս է հրամանը:

Վերջին խօսքը հորսկանների սիրտը աս գցեց:— Ի՞նչ է նշանակում ուժով կըտանեմ: Տեսան որ ծառայի հետ գլուխ գնելով անհամութիւն պաի ծագիլ, յօժարուեցին ետ դառնալ, որ իմանան ինչ է պահանջում իրանցից հիւրասէր, սիրուն հարսը: Գնացին ու շատ բարկացած գտան. թթու դէմքով այսպէս խօսեց նրանց հետ.

— Երէկ ձեզ լաւութիւն արի. իբրև յոգնած ճամբորդների հրաւիրեցի տունս և արժանաւոր կերպով պատուեցի, այնպէս չէ:

— Այն, այդպէս է, պատասխանեցին  
Հորսկանները:

Հարսը շարունակեց.

— Բաւական չի, որ առաւօտն Տեռա-  
նալիս խնայեցիք զատարկ բերան շնորհակա-  
լութիւն անել, այլև շնորհքներդ ցոյց էք  
տուել. ծածուկ մտել էք պարտէզ և գողու-  
թիւն արել: Միթէ այդպէս են վճարում ձեր  
աշխարհում ադ ու հացի փոխարէնը:

Հորսկանները որ չէին սպասում երբէք  
այդ նախատինքին, մնացին ապշած. ետոյ  
ուշքի գալով աշխատեցին արգարանալ, որ  
բանք ազնիւ մարդիկ են. Աստուած, երկինք  
յդպէս բան չէին անիլ:

— Ի՞նչ ազնիւ մարդիկ էք, երբ ագահի  
պէս սօսու տերևներից էլ էք գողացել, պար-  
տէզի ընտիր տերևներիցն էլ: Ա՛յ ձեզ նմուշ-  
ները, թէ որոնցից էք գողացել պսկել:  
Ամօթ ձեզ:

Հորսկանները տեսնելով որ հարսն իրանց  
հաստատ գող է բռնում, միասին բողբոջեցին  
նրա դէմ.

— Զուր էք այդ տեսակ բան կարծում.  
մենք ոչ զիշեր ժամանակ օթևանից դուրս  
ենք եկել և սչ խնձորի ու ոսկետերևների  
երես տեսել:

Այդ ժամանակ հարսը բարկացած և հեր-  
սոտ աչքերով կանչեց ծառաներին.

— Ե՛ւա եկէք, փնտռեցէք այս րուպէիս  
գրանց պարկերը:

Ծառաները շտապով վրայ ընկան տիրու-  
հու հրամանը կատարելու:

— Մենք ընդդէմ չենք, միամտաբար  
խօսեցին Հորսկանները. թող փնտռեն ոչ թէ  
պարկերը, այլև մեր գրպանները: Եթէ մեզ  
մօտ մազի չափ գողութեան հետք գտնուի,  
դատաստանի մատնեցէք: Թող մեզաւորը մա-  
հով պատժուի: Կրկնում ենք որ մենք ազնիւ  
մարդիկ ենք, գնւր էք մեզադրում:

— Լա՛ւ, հիմի կ'երևալ, թէ սրբան ազ-  
նիւ մարդիկ էք, ծաղրելով խօսեց Աղունիկն  
ու գեռ այս խօսքումն էր, ծառան քեռու  
պարկից խնձորն ու տերևները հանեց:

Ե՛ն թագաւորազը երբ աչքով տեսաւ  
որ իւր տուրակից դուրս եկան գողացած բա-  
ները, մնաց ամօթից դմբած: Զէր իմանում  
ինչ անի, մի րուպէում հարկւր անգամ գոյն  
առաւ գոյն տուաւ: Եթէ գետինը պատուէր,  
ուրախութիւնով ներս կ'ընկնէր, միայն թէ  
հարսի երեսին մտիկ անելուց ազատուէր: Մի  
քանի րուպէ լուռ մնալուց լետոյ Ե՛ն թագա-  
ւորազը տեսաւ որ շփոթութիւնն իրան պա-

տել է, ուրանալու էլ գուռը չունի, վիզը  
ծռած չօքեց հարսի առաջ և աղաչելով ասեց.  
— Հաւատա՛ն Աստուծո՛ւն, ես այդ գողու-

թեան տեղեակ չեմ, ես մեղ չունիմ:  
— Եթէ դու մեղ չունիս գողութեան  
մէջ, հապա ո՞վ է դրել խնձորն ու տերևնե-

րը պարկիդ մէջ:

— Զգիտե՛մ Աստուծո՛ւ է վկայ:

— Կարելի է ընկերդ է դրել:

— Ձէ, ընկերիցս այդ բանը հաւատալի

չէ: Եթէ դնէր, իւր տոպրակում կը դնէր:

— Ուրեմն գողը գո՛ւ ես, որովհետեւ քու

տոպրակից հանեցին խնձորն ու տերևները:

— Ողորմած հարս, ես չեմ ուրանում

իմ տոպրակից հանելը, բայց հաւատալ Աս-

տրծուն, որ ես տեղեակ չեմ, չեմ դիտում

ո՞վ է դրել: Աստուծո՛ւ չի վերցնել, որ գուր

խնձ մեղադրում ես:

Աղունիկն այդ ժամանակ ուղղակի եղ-

բօր ասքերի մէջ նայելով խօսեց.

— Գու որ չգիտես ո՞վ է պարկիդ մէջ

գողունի խնձոր ու տերև դրել, Աստուծո՛ւ

վկայ ես կանչում, որ հաւատացնես, հապա

Շէն Թաղաւորի աղջիկը գիտէր, թէ դանակը

ո՞վ է դրել իւր գրպանում, որ դու անգութի

նման չլսեցիր նրա երդումին, լացին և զուր  
տեղը ձեռները կտրեցիր:

Ձէն Թաղաւորազը մատը կծեց ու զար-

մացած մնաց իւր ընկերի երեսնիվեր նայելիս:

Շէն Թաղաւորազի թուքը կպաւ, երբ ճանա-

չեց որ առաջը կանգնածը իւր քոյրն է:

Հիմի Ձէն Թաղաւորազի երեսին նայելն էլ

ամաչում էր: Ամօթից համարեա կիսամեռ

ընկաւ Աղունիկի ոտները և պաղատեց.

— Ներէր, քոյր իմ, անողորմ եղբօրդ...  
Աստրծու արդարութեանը մատաղ անգութ

վարմունքս անպատիժ չթողեց. շատ վաղուց

է սրտիցս հանգիստն է առել, դէմքիցս ծիծա-

ղը: Բեզ անիրաւարտը պատժելու օրից մի

րոպէ դադար չունիմ:  
Ձէն Թաղաւորազը մէկ իւր ընկերի երե-

սըն էր նայում, մէկ հարսի և ինքն իրան  
ատում.  
— Այ ընկեր, մեթէ դու Շէն Թաղա-

ւորազն ես, որ սրա ձեռները կտրած լինիս:  
Եթէ կտրել ես, հապա ինչո՞ւ ողջ ես: Տէր  
Աստուծո՛ւ, ո՞վ է այս կինարմատը. եթէ իմ  
կնիկն է, նա ձեռներ չունէր, այս ձեռները  
նձմնից է բան ուզել:  
Եղբայրը լալիս էր և աղունիկի ոտքերը  
համբուրում: Քոյրը խղճալով ասեց.



— Վեր կաց, եղբայր, բեգանից վրէժ  
առնելու միտք չունիմ: Այն էլ բաւակոյն է,  
որ դու զղջացել ես արածիդ վրայ և զգացել,  
որ ես անմեղ եմ: Ներում եմ բոլոր սրտովս:  
Խղճի խայթը ճակատդ խորշումներով է լցրել,  
գլուխդ ու գէմքդ ճերմակ մագերով: Ինձ  
պատուհասել առողջ կինդ երևում է որ քեզ  
մխիթարելու տեղ վաղաժամ ծերացրել է:

Ձէն Թագաւորացն արդէն հաւատարմով  
որ առաջը կանգնածը իսկ իւր կնիկն է սիրտ  
արաւ հարցրեց.

— Հապա ինձ չես ներում: Թէ որ սա  
քեզ կանատող եղբայրդ է, փխր ես էլ նրա  
քամբախտացրած քրօջը թագաւորի հարս  
դարձնող երիտասարդն եմ:

— Բու արժանի չես ոչ մի ներողու-  
թեան, վշտացած վրայ բերեց Աղունիկը. քու  
կինը իւր խոստման համաձայն ոսկեքոչոր  
տղաներ բերեց, սպասում էր ուրախ շնորհա-  
ւորէքի, բայց լանկարծ թուղթ ես ուղարկում,  
թէ սպանեցէք մօրն ու նորածիններին:

Ընդհակառակը, կարմրելով խօսեց Ձէն  
Թագաւորազը, հօրիցս մի թուղթ էի ստացել,  
որի մէջ գրած էր. — կինդ աղատուեց և երկու  
լակատ բերեց, ինչ անեմ: — Ես էլ պատաս-  
խանեցի հօրս թէ, անբով ցլլով անողողեմ:

— Աստու տուածի դէմ դժգոհալու  
ոչինչ չունիմ, պահիր մինչև իմ գալը:

— Ուղիղ, հարցրեց աղունիկը:

— Աստուած, հող, ջուր, մուղիղ եմ Թա-  
սում պատասխանեց Ձէն Թագաւորազը:  
— Այս որ լսեց Աղունիկը մնաց զլուխը  
կախ մտածման մէջ ընկած: Լուսթիւնը ընդ-  
հատեց Եէն Թագաւորազը.

— Ինչպէս երևում է մի չար մտար  
կայ, որ փոխել է թղթերը: Անհօգ կացէք,  
սրդուս սպանողին լոյս գցող Աստուածը ձեր  
թղթեր փոխողին ծածուկ չի թողնիլ: Ղնանք  
թղթատարի մօտ, իսկոյն կիմանանք:

— Հիմի ներում ես, վախենալով մօտե-  
ցաւ Ձէն Թագաւորազը:

— Ներում եմ, քաղցր ժպիտով պա-  
տասխանեց Աղունիկը:

— Ձէ, մինչև չառես, թէ քինչպէս են  
սղջացել կաներդ, ես չեմ հաւատալ, որ ինձ  
ներում ես, պնդեց Ձէն Թագաւորազը:

— Երբ որ այդպէս է, մինչև ես էլ չի-  
մանամ թէ ո՞վ է նամակներ փոխողը, չեմ  
պատմիլ կաներիս ողջանալը, պատասխանեց  
Աղունիկը և նրանց հետ կանաբունուկ արած  
ղնաց ճաշի:

Հետեւեալ օրը ճամբի պատրաստութիւն տեսան, ու վերադարձան Զէն Թագաւորի սալատը: զբաղուտբա՞ Գ Ե՛՛՛՛ Ե՛՛՛՛ Ե՛՛՛՛

Ծերունի թագաւորը կ'ասենաս մեռած տեղից յարութիւն առաւ, երբ հարսին ու թուռներին ողջ և առողջ իւր առջև տեսաւ: Աստրճուն անվերջ փառք տարով անդադար համբուրում էր մէկ թուռների թուշերը, մէկ հարսի ողջացած ձեռները: Երբ արդէն արդէն — Թղթատար, արի այստեղ, ասեց Զէն Թագաւորազը. ինձ մօտ գալիս ո՞վ է քեզ հանդիպել:

— Ոչով չի հանդիպել, տէր իմ:

— Ճամբին ո՞ւմ հետ ես գրոյց, արել: ուղիղն ասա:

— Ճամբին շատ տեղ եմ հանգստացել, բայց գրոյց արել եմ միայն Եէն Թագաւորի հարսի հետ, երբ ուժով հրաւիրեց ինձ սալատը:

— Այս, էլի նա, այն նզովեալը, դառնացած բացահանչեց Եէն Թագաւորազը. նա է փոխել:

— Ո՞վ, ո՞վ, սրտատրոփ հարցրեց Զէն Թագաւորազը:

— Ուրիշ ո՞վ պէտք է լինի, իմ նախանձ կինը, թիուր պատասխանեց Եէն Թագաւորազը և դարձաւ դէպի Աղուռնիկը:

— Բոյր իմ հիմի ամեն բան բարդ է: Մեր ամբողջ ընտանիքի քամբխտութեան պատճառն է կինս: Ողորմած Աստուածը քեզ պաշտպանել է նրա նենգութիւնների դէմ: Հազար փառք Նրան: Կեանքս ու հոգիս վաղուց են թոււաւորուած կնոջս ձեռով: Ես շատ չեմ հեռու գերեզմանից. կենդան մնալուս միակ կարօտն ու փափազը քեզ տեսելու էր: Արարչին փառք. դրան էլ արժանացրեց: Այսուհետեւ ապրելը, կեանք քաշելը քեզ է արժան, աննման քոյր իմ. շատ ապրես բախտաւոր կեանքով և Եէն Թագաւորի ծուխը ծխես քու սուկեքոչոր որդկերանցով: Ամուսնուդ աշխարհը քո ջատակաւ մարդկանցով է լիք, հորդ աշխարհն էլ ամեն տեսակ բարիքներով ու զանձերով. ապրեցէք ու վայելեցէք:

Այս ասելով մօտեցաւ Զէն Թագաւորի ձեռը համբուրեց, դարձաւ փեսայի ու Աղուռնիկի հետ համբուրուեց, ետոյ նախշուն քեռորդիներին գրկեց արտասուալից աչքերով պաչպչեց ու ճամբայ ընկաւ դէպի իւր աշխարհը:

Հասնանալ թէ չէ, անխօս հրամայեց որ իւր նախանձ կնկան օտն ու ձեռները կապկաշեն:

Հրամանը կատարուեց: Ետոյ բերել տուեց մի կատաղի ձի, իրան ձեռով չար կնկանը ձիու ազիկն կապեց և սլաաուիրեց քարքարուններէ վրայով այնքան քշեն, որ կնկայ մեծ կտորը ականջը մնայ, եւ այդպէս էլ արիւնք ախ Չարն այնտեղ քորին այնտեղ: Ի գնբա՞ սէ իրօտձ սջամի ճաւղոսամտի մմ քար ամն մաքամի . քիմանքմգմք տոմ՞ նմէ տաշ ամո Երկնքից երեք խնձոր ընկաւ: Եւ սոյ աեղ Մէկն այս հեքեաթն ասող գանձակեցի Առաքելին, միւսը նեղութիւն քաշող մարդ զին, երրորդն էլ կարգացողին:

**Վ Ե Ր Զ**

Պարտա՞ մէ՞ մ իոզմամի գատամայ սմգ շիքմայմիբոս գուզմիսս տոց սմմձ գոմած մարդան ազիկաց զճգալեա բամն տնմ իտմա մմնա լէ զճգալեա բոզ՞ զի չ իոց տ գէրմգրա իոզմայ տ իոզմագիցոյ զլքմիմի իոզարա՞ մէ՞ ասքմտի իոմա սլմ արմ տ իտամի ասնոպ քիւլայնձ գոնէ իւր ճաշմամ յամ քիւլայնձ ասնէ միմ իոզմգա քիլայնոտոտա քմից միգմմիբոս ս յո գոյ իմիք ասից յոզմած տ քմիւլայն քմիք

Երևանի թիվ 26 համարի հիմնական դասընթացի  
 ընթացքում հետևյալ գրքերը կարդալիս համարժեց  
 համարվում են համարժեց համարվում են համարժեց  
 համարվում են համարժեց համարվում են համարժեց  
 համարվում են համարժեց համարվում են համարժեց  
 համարվում են համարժեց համարվում են համարժեց  
 համարվում են համարժեց համարվում են համարժեց

Գրքերի անվանումները և հեղինակները  
 համարվում են համարժեց համարվում են համարժեց  
 համարվում են համարժեց համարվում են համարժեց  
 համարվում են համարժեց համարվում են համարժեց  
 համարվում են համարժեց համարվում են համարժեց  
 համարվում են համարժեց համարվում են համարժեց

ԵՄԻՆ



Յանկացոյնիք կարոյ են զիմել՝  
Բազու, Տպարան «Արօր»:

19061

0

2013

Հայաստանի Ազգային գրադարան



NL0446691

